



Fepeuari 2022

## TOMANATUGA FA'ALEAGAGA - FEPUARI 2022.

MATAUPU : O KUSI

TUSI FAITAU: MATAIO 6:26 "Ia outou va'avaai i manu felelei."

E fa'apopo a'o ni aso ua, o aso folau fo'i e le tu'ua. Ua masani Samoa ma le faiva o folauga. E silafia lelei lava e ali'iv-a'a po'o tautai ole gataifale, e lē o aso uma e lagilelei pe tai malū ai gataifale ma lona tai. E i ai aso e te'i lava ua lia'i matagi ma si'isi'i ai peau. Peita'i e ui lava ina e fesuisuia'i aga a le tai ma le tau, e lē mafai lava ona tautolo ai i tua se malaga ua leva ona fuafua.

Afai lava ole aso lea ua atofaina e folau ai e pei o le tala a le aumatutua ole Atunu'u. Ole Aso ma le filiga, ole aso fo'i ma le mata'igatila." E iai aso e tala ai gafa ma fili 'afa a le au matapō ma le au-fuetā. A'o nisi aso, ua tulimata'i si'utila o va'a folau, pe tu'utu'uloa le malaga, pe afeaina le afio'aga ma le alafaga. O tu ma aga ia sa masani ai Samoa anamua. Fa'apena se lagona o la outou auaina i lenei Masina amata ole tatou folauga ole Tausaga ua Fou 2022 ua tatou aulia manuia mai.

E ui ina tatou naunau ini malologa ia fa'aumiumi, peita'i e lē mafai ona toloia ai lo tatou fa'amoemoe. E ao lava ina tu'u i tai lo tatou Sa folau, ina ia fa'ataunuina pea o tatou tiute ua vala'auina ai lo outou soifua ma lo matou nei ola. O'i tatou o fanau a le Atua, ua uma ona o tatou tali atu ia te ia e ala i lo tatou papatisoga, o'i tatou mo ia, o ia fo'i mo i tatou e ala i lana galuega molimau.

Ae i le agaga fa'aaloalo matou te toe mua fa'atulou atu fo'i i lo outou Paia ma le mamalu tele o la tatou Kapelenisia Samoa i totonu ole Laumua i Ueligitone. Malo le folau manuia, malo le fa'ato'ato'a. Ae faia lo'u leo ma sui ole Afioga ia Salā Mikaele Teofilo, le afioga ile Ta'ita'ifono iā Tauloa Fa'atau ma le Ofisa Tutotonu ole tatou Kapelenisia Samoa matou te ofoalofa ma toe fa'afeiloa'i atu ai fo'i i lo outou mamalu. Manuia lava le Tausaga Fou.

Ae fai mai le manatu autū o nai mafaufauga fa'aleagaga e tomua ai fo'i le tatou savaliga fou ole 2022. "IA OUTOU VA'AVA'AI I MANU FELELEI." O se vaega ole lauga a Iesu i luga ole mauga, na na ia a'oa'o atu ai ma fa'atonu mai fo'i i tatou ina ia tatou va'ava'ai i manu felelei, e maua mai ai nisi a'oa'oga tāua ma aogā.

O le a ou fa'aogaina le manulele ole kusi (goose) i ana āga ma lona natura tatou te va'ava'ai ai mo nisi a'oa'oga. Ona o a'u ou te fiasia tele e matamata i Documentry a le Toe'ina lauiloa o David Attenborough, o le ala lea o lou fiasia ile manulele ole kusi. O le manulele ole kusi ole 'auaiga ole manulele ole pato. E ola ma fiasia ile vai, e aogā tele lona a'ano ile taumafa, e fa'atāuaina tele lona a'ano i tausamiga o nisi vaitausaga. O le muagagana fa'a-Europa, "Ole mea e

lelei ile kusi, e lelei fo'i ile gana." What's good for the goose is good for the gander."-Group of geese. Ole uiga o lea upu, ole mea e lelei ile to'atasi e lelei fo'i ile to'atele. E masani tagata Amerika pe a o'o ile tau-malulū, ona va'aia le pāuli ole lagi ile fa'atumulia ile tele o kusi, o fa'apotopoto e sauni le malaga e felelei ifo ile itū i saute o lo'o mafanafana ma susulu lelei ai le la. Ole auala e felelei ai kusi, ole itū lea e fia va'ava'ai i ai mo se fe'au fa'amama-faina mo i tatou i lenei fo'i masina e pei ona fetalai Iesu ile Talalelei ua fa'aogaina "Ia outou va'ava'ai i manu felelei".

O kusi, e iai auala fa'apitoa e felelei ai. E felelei tu'ufa'atasi, ae lē felelei ta'apea'pe, auā e leai se kusi e alu mamao pe lele na'o ia. Ua uma lava ona foafoaina le natura o kusi e felelei fa'atasi ai. Le fa'atulagaga fa'apitoa (special formation) pei ole fa'ailoa lea >. Afai e apatā e le kusi ona apa'au, ona gaosia ai lea o se ta'aviliga o savili e si'itia ai le isi kusi o mulimuli mai, ma faigofie ai ona lele, ole mea lea e gafatia ai e so'o se kusi, pe itiiti ma vaivai, pe ua matua fo'i ma fai ifo le malosi. O se a'oa'oga tāua tele lenei mo le tagata pe afai e maitau ma va'ava'ai i ai.

Fai mai le Tusitala ile au -Eperu. "Ia tatou manatunatu fo'i le tasi ile tasi, ina ia taufa'atupu ai le alofa ma le agalelei; 'aua le lafoa'ina le fa'apotopoto o'i tatou e pei ole masani a isi, ae ia fefa'amafanafana'i." O lona uiga ia ola fegale-galea'i ma fetufa'ai i fa'amanuiaga ma lagona le olioli ole si'itia a'e i luga mai ta'aviliga fa'aleagaga e maua ai. E leai se itutino e mafai ona lele to'atasi. E lē mafai fo'i e mata ona fa'apea ane ia lima, e leai sou aogā ia te a'u. E i ai taimi e alu 'ese ai se kusi mai le fa'atulagana o felelei ai, ma e lē pine ona vaivai lea ma pa'u ifo; e toe fa'amalosi ane ile fa'atulagana > ona maua ai lea ole malosi e fa'aaui ai. "Ia outou va'ava'ai i manu felelei."

So'o se fa'atulagaga > a kusi e faimalaga, e i ai le kusi e ta'imua i luma. O ia lea na fa'atonotonuina le itulagi e aga'i i ai le malaga, e fa'atonotonuina le saosaoa e fa'ata'ita'i uma i ai ma mulimuli atu i ai le faigamalaga.

E tulaga faigatā ma mamafa le avega a le kusi ta'imua; o ia lea e asaina le mafiafia o ao ma fa'afetaia'iina le malosi o matagi, e fa'alogoina muamua fesua'iga ole tau, talia le timu i ona foliga, le kiona i ona mata ma le 'aia i ona apa'au, aemaise e leai se isi kusi i ona luma e tapili maia le ta'aviliga savili mo ia. E fa'alagolago ia te ia le fa'atulagaga ia maopopo ma sagatonu ina ia taunu'u manuia i fa'amoe-moega. "IA TATOU VA'AVA'AI I MANU FELELEI"..

Le tatou Kapelenisia e, o lea ua fa'ataumua'ava lo tatou sã. E mana'omia lo tatou maopopo. Ole tagi lea a le pu mate. Matou te manatu e fa'apena fo'i le tatou galuega. E fa'apena fo'i i so'o se Aiga, aulotu, mafutaga, galuega e o'o lava fo'i ile tatou Kapelenisia. Ua i ai ta'ita'i latou te fa'atulagaina le saosaoa e mulimuli atu ai le to'atele.

E iloa lelei e kusi le taimi e vaivai ai le ta'imua ona sui tulaga atu lea o se isi, a'o se'e malie 'ese mai i tua lã sa ta'ita'i. Ole fefa'asoa'i o tiute ma fesuia'i le avega tauamo, e fa'atumauina ai le fa'atulagaga. Ole uiga lea o upu a le aposetolo: "E mai ia te ia ona tupu ole tino uma lava o lo'o o fa'atatauina ma fa'aso'oina i ua uma lava e fesoasoani i ai, e tusa ma le galuega i le fua o itutino taitasi, ia i'u ina atiina a'e le tino e ia lava i le alofa" (Efeso 4:16) E i ai isi Ekalesia ma fa'alapotopotoga ma mafutaga e fa'afia ona fesuia'i isi i le ta'imua, ae o lale a e fefa'amae-paepa solo pe fa'atafetafea pea isi. Aua le malie gofie ile na ona ola fifilema ma talisapaia mea e aumai e isi; ae tula'i ane oe e fai sou sao, fa'ata'ita'i ona avega ma ta'imua po'o le ta'ita'i. Fai sou sao, fai se mea lelei mo isi tagata. ( Don't be content to be a consumer; instead, be a producer.)

I le lalolagi o kusi e pei fo'i o i tatou tagata ma a tatou aga, ole au matutua ma le au lalovaoa atoa ma kusi vaivai, e felelei mai i tua ole fa'atulagana, ae lã faapea ua tu'ulafoa'ina pe ua taufaatauvaina foi. Pe manatu fo'i ua leai so latou aogã. O i latou nei latou te faia le faiva ole tapua'iga ma fa'amalosi'au ile ta'imua. Pei lava ole tala a le Atunu'u e fai i le faiva o Poula, "E lelei taga ale taupou pe a lelei le pati ma le po. E avega ma fa'alototele/ fa'amalosi'au ile ta'imua.

E i ai fo'i isi e 'ese a latou fati ma fatuga e pepese mai ai; e te fa'alogo ma lagona atu lava le pa'ulua ile muimui ma le tomumu, e lotovale ma fa'aleaga i taumafaiga lelei. Afai e te lagona atu ituaiga pese na, 'aua le ma'imauiina ou taliga e fa'alogo fua i ai, ae matua'i pese malosi lau tapua'iga, e tanumia ai i lalo leo fa'avaivai e sala 'ese ile fa'alogo. Afai e te lagona atu le leo, "Solomuli" ona e vala'au atu lea, "Fa'amalosi" A lagona atu le leo, " Se ua ta fefe " ona e tali lea i ai, " Se Fa'atuatua". Aua e te manatu ifo e leai sou aogã, ae fai le lape, tapua'i ma pese ma tatalo. Pe a tatou faia o ia mea, ona manuia lea ole tatou folauga ole 2022. Ia manuia tele le faigamalaga fa'aleaga-a le tatou Kapelenisia Samoa i totonu ole Pule'aga Fa'aakiepipikopo a Ueligitone. "IA OUTOU VA'AVAAI I MANU FELELEI".

## MANUIA ONA O KERISO

Vauei & Veronika Tolova'a (FKS) NAENAE

2

# AFIGA KATINALE JOHN DEW

25 Ianuari 2022

Fa'atalofa atu i le Ituaigasã ma Ta'ita'i Lafulemũ

Fa'atalofa atu ma mo'omo'oga lelei i le Lapata'iga Tulaga Lanu Mũmũ. Toeitiiti lava tatou i ai le fa'ai'uga o Ianuari e aunoa ma le toe suia o nisi o Tulafono tau i le Fa'ava'a o Puipuiga mai le Koviti - 19, ae e pei ona lapa-ta'iina i tatou ua pipisi mai nei le Omicron iã i tatou. O le mea lea, ua mana'omia ona ou tusi atu iã outou uma e fa'ailoa atu iã outou nisi o mea o lo'o tutupu ma po'o a mea e mana'omia ona tatou faia mo le saogalemũ o tatou ma isi.

A tatou amatalia le olaga i tulaga o Fa'ava'a o Puipuiga o le Koviti - 19 e tatau ona tatou mafaufau lelei lava pe fa'apefea ona tatou pulea o lu'itau o lo'o fofou mai, i se auala e mafai ai ona gafataulimaina e tagata ta'ito'atasi. Fa'amolemole faitau fa'alelei vaega o lo'o mulimuli mai lalo ma fa'ailoa atu iã outou palisi ma fa'apotopotoga.

O le resitalaina mo Misasa ua toe aumai mo palisi o lo'o manana'o e fa'aoga e fuafua ai le fuainumera i Misasa.

E mafai ona fa'aititia lea fuainumera i Misasa pe afai e fa'ateleina le saosaoa o le pipisi o le fa'ama'i ona ua mama'i tagata, pisia mai isi o lo'o feso'ota'i ma latou pe ona e a'afia gofie ona o le matua po'o nisi ma'i o lo'o

a'afia ai. Ou te fautua atu iã te outou e fa'amanatu i tagata:

- le fa'amagaloina o le lã 'au ai i Misasa i aso Sa o lo'o i ai pea lava;
- E le tatau ona 'au ai i Misasa pe afai o lo'o maua i le ma'i e pei o le fulũ po'o nisi o aũga;
- E tatau ona usita'ia Tulafono e uiga i le fa'a'esea - ua magalo mai ia latou noataga pe afai o lo'o fa'atalitali mo i'uga o su'esu'ega po'o ni feso'ota'iga ma tagata ua a'afia i le fa'ama'i;
- Afai e o mai i le Misasa e tatau ona faia ni ufimata, fa'amasani le fufuluina o lima ma ia manatua le va ma le isi tagata.

O fa'aeteetega masani i le fa'aauau pea i Misasa, e leai se vaisã, tasi le ituaiga o komunio ma na o le lima. E fautuina outou e 'aua le faia o se isi lava ituaiga o pe-sepesege i taimi o Misasa. O se aufaipese po'o se tagata e to'atasi e pese i se isi tulaga o lo'o fa'atagaina e le Tulafono ae e mafai ona i'u i le fa'asalalauina o le vairusi ma e tatau lava ona tatou fa'aeteete. E to'atele tagata na fai ma i ile tausaga ua tuana'i e uiga i Misasa i le Lapata'iga Tulaga 2 sa leai ni pesepesege ma o le leai o se pisa na ta'ita'iina lelei ai a latou tomanatuga ma

tatalo. Atonu o se avanoa lelei fo'i lenei mo se isi va'aiga i le Misasa.

E i ai ni vaega e patino i ositaulaga ma 'au'aunaga ou te mana'o ina ia outou maitauina :

O Ositaulaga uma e tatau ona faia ni ufimata i le taimi atoa o le Misasa, vaganā mo le Tatalo a le Eukalisitia. Pe tatau ona ufiufi le ositia i le taimi o le Tatalo a le Eukalisitia i le fa'amamā ina ia puipuia mai i le mānava atu ai i ositia. Fa'aeteete i le mea e tu'u i ai lau ufimata pe a ave'ese – e tatau ona "saogalemū", ae le na ona ta'atia i luga o le 'ie a le aletale.

Latou o lo'o ta'ita'ia le Sauniga o le Upu ma le Komunio e tatau ona faia ufimata i le sauniga atoa.

Afai ua ma'i le ositaulaga po'o nofo'esea, o le Misasa sa fuafuaina e fesoasoani i ai e tatau ona tolopō pe sui ai le Sauniga o le Upu ma le Komunio pe afai o lo'o saogalemū lona fa'ataunu'uina. O le sa'ilia o se ositaulaga e suia o le a faigata ona o le fa'ama'i o le a fa'ateleina lona pipisi ma ole a tula'i mai ai le anoanoa'i o fa'aletonu. Saili se suli e fa'ataunu'uina pe afai e tāua tele, fa'ata'ita'iga mo se malii.

O le a lē fa'ataunu'uina le Misasa masani o le aso o Sagata Valetine ma Faia'oga. Ou te lapata'i atu iā outou e 'aua ne'i fa'ataunu'uina pe tolopō mo se taimi lē mautinoa nisi o fuafuaga na faia e a outou palisi, ona ou te talitonu lava e tatau ona fa'aititia numerā o a tatou potopotoga.

O le avatu o le Komunio i le 'au mama'i e fa'aauau pea mo le taimi nei, ae e tatau ona faia e tagata ua uma o latou tui puipuia e tolu. Afai ae fa'ateleina le fa'ama'i e tatau ona taofia loa.

O lo'o i ai se fuafuaga e feso'ota'i atu pea ma outou a o fa'agasolo mai le fa'ama'i ina ne'i mana'omia ona faia

ni suiga vave ma feagai atu i le fa'ama'i ma se lumana'i lēmautonu. Afai e iai se vaega o le Pule'aga Fa'aakiepi-ko o le a a'afia tele i le fa'ama'i, fa'amolemole'aua ne'i toe fa'atali ae taofia loa Misasa i la outou palisi po'o le itumalō, pe vili mai a'u pe afai e lē mautinoa pe faia lea vaega. O lou malamalama i lou lava palisi e tāua tele i le faia o nei fa'ai'uga.

Sa tatou faia lelei le tele o suiga ma lu'itau o le tausaga ua tuana'i, ma e mana'omia ona tatou faia lelei lenei tulaga fou i se auala e puipuia ai tagata, e a'afia ai ositaulaga ma auaunaga o palisi.

Fa'afetai atu ia outou uma lava mo mea uma o lo outou faia mo le saogalemū o tagata i palisi. Ou te iloaina le tele o ni lu'itau o le a aumai e le Koviti a o fa'agasolo le taimi ma o le to'atele o tatou e fa'anaunau pea i le olaga sa tatou i ai ae le'i sau le koviti. Ae ui i lea, o lenei fo'i ua maua mai ai ni avanoa mo ni foafoaga o ni auala fou e 'au'auna atu ai i tagata ma fa'amautiona tatou te 'a'apa atu i le mafai i isi, aemaise latou e nofo ta'ito'atasi, latou e lē o maua i le soifua maloloina lelei ma le popole. Ou te fa'alogoia pea lava auala fou o lo outou feiloa'i atu ai i tagata o palisi ma la outou popolega mo latou e nonofo ta'ito'atasi ma latou e lē lava le malosi. E toe fa'afetai atu mo mea uma o lo outou faia.

Fa'atasi ai ma fa'afetai ma tatalo ma mo'omo'oga lelei ma fa'amanuiaga

Ioane A. Dew

Akiepikopo a Ueligitone.

## SAGATO PETELO TAMIANO

(EPIKOPO MA LE FOMA'I – 1007 – 1072)

Atonu ona o ia o se tagata na ola mai e leai ni matua ma sa leaga lava le faiga e ona uso, o Petelo Tamiano sa lelei lava i tagata matitiva. O se mea masani mo ia i le aumaia o ni tagata fa'atasi ma ia ile laulau ma 'au'auna atu i ai i o latou mana'oga.



faitau le tusi pa'ia.

Sa fa'atonu e le ta'ita'i o le ituaiga afai e malii o Petelo e tatau ona suia o ia. Ina ua avea Petelo ma ta'ita'i sa ia fa'avaeina nisi nofoaga i le vao. Sa fa'amalosi'au i ona uso i le olaga tatalo ma le nofo to'atasi ma e le'i mana'o mo ni mea mo ia. E masani

O Petelo lava fo'i inā aso sa savalia lelei se ala mo ia lava. Sa tele itulā e fa'aalu i tatalo. Mulimuli ane ua mana'o e tu'ua ana a'oa'oga ae avatu atoa o ia lava i tatalo fa'atasi ma le ituaiga a Penetito o le au fa'afou a Sagato Romuald i Fonte Avellana. E lua monike i le nofoaga tutasi i le togavao. Sa fa'anaunau lava Petelo e tatalo ma fa'aititia taimi e moe ai na maua ai i le ma'i o le lē mafai ona moe. Sa ia iloaina e tatau ona faia se fa'autautaga ina ia tausia lelei o ia. A le faia ni tatalo, sa

ona vala'u i ai le Tamā Pa'ia, ae ui i lea, ina ia avea ma se tasi e fa'atupuina le filemū i le va o nofoaga monike sa fetau'a'i po'o ositaulaga po'o suli o le malō i ni fe'ese'esega ma Roma.

Mulimuli ai, o Pope Setefano IX na faia Petelo ma Katinale – Epikopo o Ostia. Sa galue malosi ina ia soloia le fa'atauina o avanoa fa'alelotu, ma fa'amalosi'au i ana faife'au ina ia tausia lelei le tulaga o le nofo taupou o

# SAGATO PETELO TAMIANO

(EPIKOPO MA LE FOMA'I – 1007 – 1072)

faife'au ma fa'atauanau faife'au o pule'aga ina ia nonofo fa'atasi ma tausi lelei taimi mo faiga tatalo ma tausiga o fa'alelotu. Sa mana'o e toe fa'afo'i mai le amio pulea i faife'au ma ituaiga, ma lapata'ia i le femalaga'iga e lē mana'omia, solia o tulafono o le nofo mativa ma le ola lelei. Sa ia tusi fo'i i Epikopo o le Pule'aga o Besancon ma faitio o ositulaga e nonofo i lalo i le taimi e usuina ai salamo i le Ofisa Mamana.

Sa tusia ni tusi e tele. Pe 170 o lo'o maua nei lava. Sa ia mana'o i fa'ata'ita'iga ma tala i lo manatu e lē fa'amaonia i ana tusitusiga. O vaega fa'asauniga sa ia

tusia o ni fa'amaoniga o ana taleni i faiga fa'alatina. Sa talosaga so'o ina ia fa'ataga ona fa'amaloloina o se Katinale – epikopo a Ostia, ma na i'u lava ona malie i ai Alesana II. Na fiafia tele Peteru ina ua mafai ona toe avea ua na o se monike, ae sa vala'auina pea e galue o se suli a le Pope. Ina ua fo'i mai se tasi o nei galuega i Ravenna, sa maua i se fiva. A o si'osi'omia o ia e le latou ituaiga o monike ma faia tatalo, ma na malii o ia i le aso 22 o Fepuari i le tausaga e 1072. Ile tausaga 1828 na avatu i ai se fa'ailoga maualuga (Doctor) ua fa'ae'eina ia te ia.

## TOE FA'AFUGA MAMANA - I TUA ATU O PALISI

AVE'ESEINA O LE UFIUFI O LE FA'AVAE

Ua anoanoa'i fa'amanuiaga a le Atua i le tele o 'au'aunaga ma ta'ita'i o lo'o galulue mo le fa'afouga o palisi i nei aso i le tele o auala ua feso'ota'i ai le tasi i le isi i mea ua mauaina mai ai. Fa'atasi ai ma lenā fa'amanuiaga ua sau ai ma le avanoa e fausia ai se gagana masani e uiga i suiga ma fa'afouga. O le mafua'aga tutotonu o nei taumafaiga ina ia fa'aa'upegaina le Ekalesia, i ana fa'apotopotoga 'ese'ese, ma me'i 'ese mai ai i fa'afouga o fale ae aga'i atu i le galuega tala'i. O le a le uiga o lea fa'aupuga?

### **O Le Tausiga ma le Tala'iga: Se Savaliga Loloto.**

A talanoa tagata e uiga i le tausiga, o lo'o talanoa i fausaga, fa'asologa ma faiga masani. I se i si va'aiga, ua talafeagai lea pe a fa'avae i luga o le poto masani a le Ekalesia i le tele o atunu'u o le lalolagi. Ae ui i lea, i le tele o tausaga, a o tatou faimalaga ma feso'ota'i ma ta'ita'i o palisi, ua tatou molimauina ai o le fa'afitauli tele a pule'aga ma palisi e lē o le fa'afouga ae o le fa'aititia – fa'aititia o tagatā lotu, o tupe, o fale, fa'atosinaga fa'aaganu'u ma mea fa'apenā. A maua i le lolo'u o le fa'aititia, o se natura mo tagata o le 'afisi mau i le moni o vaega tau fa'aofisa sa alualu lelei i taimi ua tuana'i, i le fa'amoemoe e toe liua ai le tai.

Tausiga e i ai lona fua e tūa ma lelei. O tausiga moni e uiga i tagata – tausiga o le lafu. O le fe'au lea a Peteru i le Ekalesia i lana tusi muamua: *la outou leoleo i le lafu mamoe a le Atua o ia te outou, ia tausi i ai ma le loto, a e lē o le fa'atauanauina; 'aua fo'i ne'i faia ma le fia fai oloa, a o le loto fiafia (1 Peteru 5: 2).*

O lenei fa'aupuga ua toe manatua ai le talanoaga a Iesu ma Peteru o lo'o fa'amaumauina i le Evagelia a Ioane. E fa'atolu ona fesili atu Iesu ia Peteru, "Pe e te alofa mai ia te a'u?" E fa'atolu ona tali atu Peteru, "Ioe, le Ali'i e, ua e silafia, ou te alofa ia te oe." I le tali atu na avatu e

Iesu se poloa'iga mālū, "Fafaga a'u mamoe;" "Leoleo i a'u mamoe;" "Fafaga au mamoe" (Ioane 21: 15 – 17).

Tausiga o le lafu na tu'uina mai ma le fa'atuatua e le Atua ia i tatou o lona uiga o le fafagaina o mamoe. E pei ona fai mai Iesu ma ana Aposetolo, o le fafagaina o mamoe e a'afia ai se fa'amuumua fa'alafulemū maualuga; o se mea e *tatau ona tatou faia.*

### **E lē o se galuega e faigofie.**

A va'aia le alualu lelei i le tausiga o le lafu, ona avatu lea o le fa'amalō. *O lo'o tatou i ai nei i se aganu'u e tete'e i le fa'atuatua. O lo'o si'osi'omia e luko le lafu, ma ua ta'itasi ma ave tagata. O le fa'apotopotoina o le lafu i so'o se auala lava o se taunu'uga lelei lea ua ausia.*

A o le tausiga o lafu e fa'a'autū lea i le fafagaina o mamoe ua ia i tatou, o la tatou tala'iga ua fa'a'autū lea ia i latou o i fafo atu ma le lafu. O se Ekalesia e mata'itū i le tala'iga e popole i mana'oga, fa'amoemoega, fa'anoanoaga, fiafiaga ma le taunu'uga e fa'avavau mo tagata uma – ali'i ma tama'ita'i – aemaise i latou ua taumamao ma Keriso ma lana Ekalesia. O le tulaga o se Ekalesia e va'ai taula'i i le tala'iga e va'ai i fafo atu, i le lalolagi laua'itele.

### **Amiotonu ma le Fa'asinomaga a le Ekalesia**

E ui ua tatou fa'atusatusa le tausiga ma le tala'iga ina ia malamalama lelei ai i o la uiga fa'apitoa, e lē mafai ona tatou fa'afetauia le tasi i le isi – e tūa uma pe afai e ola ai e le Ekalesia lona fa'asinomaga ia Keriso. E i ai le popolega, e ui i lea, i le taula'i na o le tausiga o le lafu. E tusa pe faia lelei atoatoa lea, o mamoe o le a fa'asolosolo ona mātutua ma fa'asolosolo ona malilii – ona leai ai lea o se lafu.

Mafaufau i nisi o fa'atusa sa fa'aogaina e Iesu i le fa'ailoa mai o le tala'iga a le Ekalesia: seleselega, mo le fa'ata'ita'iga, ma le fagotaina o i'a. Fa'atasi ai ma le fa'aogaina o le seleselega, sa ia fai mai, *"E tele le saito e seleseleina, a o le au faigaluega e toaitiiti ia; o lea ua outou 'ai'oi atu ai i le Ali'i e ana le saito e seleseleina ina ia 'a'auina mai e ia ni e galulue i lana saito e seleseleina (Mataio 9: 37 – 38). Na fai atu fo'i Iesu "Inā mulimuli mai ia iā te a'u, ou te faia oulua ma fai faiva i tagata (Mataio 4: 19). O le fagotaina o ia, o le ola ai lea o le Fa'apa'iaina Tele ua tatou maua i le Evagelia a Mataio: O lenei, ia outou o atu e fai nu'u uma lava ma so'o, ma papatiso atu iā te i latou i le suafoa o le Tamā, ma le Atali'i, ma le Agaga Pa'ia; ia outou a'oa'o atu iā te i latou ia tausī mea uma ia ou fai atu ai iā te outou (Mataio 28: 19 – 20).*

E tatau ona tatou tausī lelei le lafu, ae e tatau fo'i ona tatou "selesele" ma "fagota" fa'ateleina le lafu i le o atu ma feiloa'i atu ma fa'atasi atu ma latou o lo'o i tua atu o tuā'oi o palisi.

Na fa'aoga e Iesu le isi fa'atusa malosī e talanoa ai i le olaga a le Ekalesia: fua mai ai ni fua. *"O a'u nei o le vine, o la outou, O lē tumau iā te a'u, ma a'u iā te ia, o ia lava e fua tele mai (Ioane 15: 5). I le galulue ai fa'atasi ma palisi, talanoa i ositaulaga, ma tatou lava fo'i palisi, ua tatou iloa ai o tulaga fa'avae – tausiga po'o le tala'iga – ua afaina tele ai lona mafai ona fua mai ni fua.. I nisi fa'aupuga, a va'ai palisi ma pule'aga o la latou mafua'aga muamua o le fafagaina o mamoe, e to'atele o le a lē fa'ataunu'uina le fa'aevageliaina o le Ekalesia – a'apa atu iā i latou i fafo atu – e ui ua latou iloina o lenei tala'iga o le ogatotonu lea o le fa'asinomaga o le Ekalesia. Na fa'amanatu mai iā i tatou e Pope Paulo VI lenei i lana apoapoa'iga fa'aaposetolo ta'uta'ua i le 1975 o le Evangelii Nuntiandi (Fa'aevageliaina o le Lalolagi i Aso Nei) ina ua ia fa'apea mai ma le lototele "o le Fa'aevageliaina, o le kalasia ma le galuega talafeagai i le ekalesia, lona fa'asinomaga loloto" (14). O mana'oga a le lafu e lē uma toe mana'omia le taimi. O nei palisi ma pule'aga e lē maua le taimi e faia ai mea ua latou iloina na vala'auina ai i latou e fai – o atu i le tala'iga.*

I se isi itū, o e masani i tagata ona faia ni galuega lelei i le va'aia o mamoe ma le fa'aevageliaina o fa'apotopotoga lautele pe a galulue o la latou mafua'aga muamua ua a'afia ai le a'apa atu i tagata e lē o i o latou fa'apotopotoga. E ala i le kalasia a le Atua, o la latou va'ai i fafo atu ua fa'atupuina ai le fa'aopopoina o latou e fou mai i le talitonuga ua fa'anaunau ma le alofa i le Ali'i, lana Ekalesia, ma le tala'iga a le Ekalesia. I se fa'aupuga pu'upu'u o nei fa'apotopotoga ua naunauta'i i le faia o le tala'iga ua fua mai ai fua; ua latou faia ni so'o. O Ta'ita'i Fa'alafulemū ua selesele a latou mea'alofa, fa'asalalau atu i le palisi ma fa'apotopotoga i tua atu o palisi, a o latou auina atu nei so'o fou. Ole 'auala lenei ua fa'ateleina ai ma salalau fua o le malō.

## Fuaina Mai O Fua Ua Totoe

Tatou te manana'o uma iā tatou palisi e fua mai ni fua.

Fai mai Iesu, *"E vi'ia lo'u Tamā i lenei mea, pe a outou fua tele mai; ona fai ai lea outou mo'u so'o (Ioane 15: 8). O nisi o taimi, e ui i lea, ua tatou fa'anaunau tele i ni fua ua tatou taumafai ai ina ia faia nei lava. I tausaga a o tatou galulue ai i nei fa'afouga ma palisi ma pule'aga e tatau ona tatou mataitū i ni vaega tetele se lua – pa'iaga ma le tala'iga. O palisi ma pule'aga ua faia nei fa'afouga moni ua tuputupu i le pa'iaga ma le tala'iga. A mafai e ta'ita'i fa'alafulemū ona fafaga lelei mamoe, o le a tuputupu i le pa'iaga o le fa'apotopotoga, ae afai e va'ai ta'ita'i i le fa'amuumua o le tala'iga ma mata'itū iā i latou i tua atu o pa puipui a palisi, o isi o le a iloina Iesu ma o mai ai i le Ekalesia. O le va'aiga matagofie i nei gaioiga o tausiga ma le tala'iga i le olaga o le Ekalesia, a tatou faia lelei o le a avea ma fa'amalosi'aga: o le lelei ona fafagaina mamoe, o le tuputupu a'e fo'i lea o le fa'anaunauga a le fa'apotopotoga e o atu i le tala'iga.*

A o tatou galulue mo nei fua o le pa'iaga ma le tala'iga, atonu o le a tatou taumafai e fa'atopetope ona fai – sa'ili mo ni pulu siliva, auala faigofie, auala pupu'u, ma ni galueaina o le tala'iga i ni auala pupu'u e vave ai ona taunu'u i le taunu'uga ua tatou manana'o ai.

## E Lē o se Faiga Fa'afasitepu

E pei ona fa'ailoa mai e le vaega a le Fa'afouga Mamana nei elemene fa'afa'avae ma la latou feso'ota'iga o le tasi i le isi, ua tatou tusia se fa'atusa fa'afasitepu e fa'ailoa ai elemene iā latou fa'asologa tatau. O nei elemene e tatau ona i ai ma fa'aoga i totonu o se palisi ina ia fua mai ai ni fua. O le malosī'aga moni o le sitepu lea o lo'o i lona fa'aogaina i tua atu o le palisi. O lo'o va'aia ai fo'i i'inei le va feagai ai o palisi, le pule'aga, ma le Ekalesia aoao.

- ⇒ Fua e fua mai
- ⇒ Meafaigaluega
- ⇒ Fuafuaga
- ⇒ Ta'ita'i
- ⇒ Fausaga
- ⇒ Va'ai Mamao

O 'aū e tolu aupito i lalo ua a'afia ai mea uma tau i le ta'ita'i i le tulaga fa'apule'aga – ma ona tua atu, ona o le tele o mea e mafai pe lē mafai fo'i ona faia e sau mai le ola moni ai i se fausaga fa'alalolagi Katoliko.

Tatou amata mai le va'ai mamao. O le a le va'ai mamao a se pule'aga? O le a le va'ai mamao a le epikopo? E i ai sana va'ai mamao mo lana ekalesia ia avea ma tagata

# TOE FA'AFUOUGA MAMANA - I TUA ATU O PALISI

AVE'ESEINA O LE UFIUFI O LE FA'AVAE

fa'amisionare?

Ona sau ai lea o le fesili tāua i fausaga. I tua atu e o'o lava i tulafono fa'akanone i fausaga e tatau i se palisi ona i ai, epikopo ma le latou kuria, i taimi, faia ni fausaga fa'apitua i totonu o pule'aga e mana'omia ona su'esu'eina i le malamalama o le tala'iga. O nei fausaga e lē gata e fa'afaigofie pe fa'alavelave i galuega tatau o le ta'ita'iga a faife'au i totonu o a latou palisi. Mulimuli lava e mafai lava e le pule'aga ona fa'atino le ta'ita'iga, e lē gata e ala i fausaga, ae fa'apea fo'i e ala i palisi ma taualumaga. O nei filifiliga fa'apule'aga o le a a'afia ai pe mafai e ta'ita'i ma faife'au i totonu o pule'aga ona gaii i se faiga fa'amisionare pe leai.

O le laina ogatotonu ua fai ma sui o le galulue fa'atasi o le

pule'aga ma le palisi. I le tatalaina atu o puna'oa fa'ata'ita'i ma fausaga fa'atasi ai ma se va'aiga lautele, e mafai e pule'aga ona savali i autafa o ta'ita'iga fa'apalisi e fesoasoani ai i suiga o faiga masani a palisi ma atia'e ai nisi fuafuaga.

Mulimuli lava o le 'aū aupito i luga ua vala'au mo se fa'atinoina maumaututū o mea faigaluega i le tulaga tau palisi, ina ia fua mai ai ni fua lelei.

A o tatou savalia nei sitepu tāua i le lalolagi atoa, ua tatou va'aia le tu'u fa'afefiloi o matafaioi a pule'aga ma palisi, ma ua fa'amalosiiina ai la tatou talitonuga maumaututū e lē mafai ona fa'ateleina le fuainumera o palisi fa'amisionare vaganā ua fa'ateleina le fuainumera o epikopo ma pule'aga fa'amisionare...*fa'aaauu pea...*

## GALUEGA A LE AU APOSETOLO

*(fa'aaauu mai le lomiga talu ai)*

**O Le Lauga a Peteru.** 34 Ona o'o atu lea o le lauga a Peteru, ua fa'apea atu, "E moni, ua ou iloa e le fa'ailogaina tagata e le Atua; 35 a e peitai o le mata'u ia te ia i nu'u uma lava, ma fai le amiotonu, ua talia i latou e ia. 36 ua outou iloa le upu na molia e ia i le fanauga a Isaraelu, ua folafola ai le tala lelei o le manuia ia Iesu Keriso, o le Ali'i ia o tagata uma lava; 37 o le upu lea sa i lutaia uma, na afua i Kalilaia, ina ua mavae o le papatisoga sa tala'iina e Ioane; 38 o Iesu o le Nasareta, o le na fa'au'uina e le Atua i le Agaga Pa'ia ma le mana, o ia sa femaliuai ma agalelei ma fa'amalolo atu i e na fa'ato'ilaloina uma lava e le tiapolo; auā sa iā te ia le Atua. 39 O milomau fo'i i matou i mea uma lava na faia e ia i le nu'u o lutaia atoa ma Ierusalem; o le na fasiotia fo'i e i latou i lo latou fa'atautau i le la'au. 40 O ia na toe fa'atuina e le Atua i le aso tolu, ma na fa'aalitinoina o ia, 41 e lē o le nu'u uma lava, a o moli-mau na ulua'i filifilia e le Atua, o i matou nei lava sa matou 'a'ai ma feinu ma ia, ina ua toe tu mai o ia i e ua oti. 42 Ua na poloa'i mai fo'i iā te i matou e tala'i atu i nu'u, ma molitino atu, o ia lava lē ua tofia e le Atua e fai ma fa'amasino i e o la ma e ua oti. 43 Ua molitoina mai o ia e le au perofeta uma, ona o lona suafa e maua ai le fa'amagalo o agasala a ē fa'atuatua iā te ia uma lava.

44 Ua tautala atu Peteru i nei upu, a e afio ifo le Agaga Pa'ia iā te i latou uma lava o e ua fa'alogi i le upu. 45 Ona matuā ofo lea e na peritomeina o e fa'atuatua, o e na o mai ma Peteru, ina ua liligi ifo i nu'u 'ese le alofa o le Agaga Pa'ia. 46 Auā ua latou fa'alogi atu iā te i latou ua tautala mai i gagana uiga 'ese, ma vivi'i atu i le Atua. Ona fai atu lea o Peteru, 47 "E mafai ea e se tasi ona vavao i le vai, ina ia lē papatisoina ai i latou nei, o

e ua maua le Agaga Pa'ia pei o i tatou nei?" 48 Ua fai atu fo'i o ia ia papatisoina i latou i le suafa o Iesu Keriso. Ona 'ai'oi lea o i latou iā te ia ia latou nonofo ma ia i nisi aso.

### 10: 34 – 48 Ua fa'avageliaina e Peteru Konelio ma lona 'au aiga

O le lauga a Peteru i le au aiga a Konelio o se toe amaitaina lea o le telosia a Luka. O le Atua e lē fa'aalia se fa'aitū'au, ae o ai lava e mata'u iā te ia ma faia le amiotonu ua talia lelei lea e le Atua. O lenei mataupu fa'avae e lē o fa'atalanoaina ai fesili i onaponei i le tele o talitonuga fa'alelotu ae o fesili mai le seneturi muamua o ai se suli mo fa'amanuiaga fa'amesia a le Atua. O le fa'asinomaga o tagata e pei o Konelio ma uō: e lē afaina po'o le ā le ituaiga, ae ia talia fa'aaliga a le Atua e ala i tagata Isaraelu ma faia le mea tonu, ua talia i latou e le Atua.

E mafai ona tautala Peteru i le olaga atoa a Iesu o le Atua na folafolaina le "filemū e ala iā Iesu Keriso" (v. 36, fa'atatau ia Isaia 52: 7). Ina ua ia tā'ua le "fa'au'uina e le Atua o Iesu o Nasareta i le Agaga Pa'ia ma le mana" (v. 38 fa'aopopo le fa'amamafaina), o lo'o ia una'ia le suafa o Iesu o "Keriso" i le fa'au'uga fa'aperofeta mo le tala'iga na fa'auigaina e Isaia 61: 1 i le Luka 4: 18. Ua talafeagai mo lenei tusitusiga lona vala'auina o Iesu "le Ali'i o 'au" ma "le tasi na tofia e le Atua e fa'amasino i ē ola ma ē ua oti."

O le gaioiga a le Agaga ua fa'apea na fa'alavelave i le tautalaga a Peteru, ae o le moni lava na fa'a'iloa atoa e Luka i lana 'au faitau. O le filemū (*shalom*) na folafolaina e le Atua iā Isaraelu e ala iā Iesu na fu-

*afuaina mo tagata uma lava. Ma na fa'aali e le Atua na fa'aaliga le fa'a'e'eina pa'ia a le Agaga Pa'ia i luga o Konelio ma lona au aiga. Na maitauina e Luka ua fa'apea mai "ona matuā ofo lea e na peritomeina o e fa'atuatua, o e na o mai ma Peteru, ina ua liligi ifo i nu'u 'ese le alofa o le Agag Pa'ia, ona ua latou fa'alogu atu iā te i latou ua tautala mai i gagana uiga 'ese, ma vivi'i atu i le Atua" (v. 45). O le gagana ua filifilia ma le fa'aetete ina ia toe manatua ai le sasa'a mai o le agaga pa'ia i le mataupu 2 (va'ai 2: 17, 18, 33, 38). O le meaalofo a le Agaga e tataua ona muamua mai i le papatisoga i le suafa o Iesu ua toe fa'aali mai ai o le tala'iga i nu'u 'ese o le finagalo lea a le Atua. Ua fa'aali mai ai fo'i o le peritomeina e lē mana'omia mo le ulufale atu i tagata*

*fa'amesia a le Atua.*

O tu masani Kerisiano o le a fa'aaloologia le isi tagata, Paulo, o se Aposetolo i tagata o nu'u 'ese ua sili atu, ae o Luka ua fa'amaninio lelei maia o le tala'iga ua na fa'amaonia e le ta'ita'i a le 'au aposetolo, Peteru. Ma o Peteru ua tali i le fuafuaga a le Atua.

I se va'ai laua'itele i le fa'ava'a o le fa'amatalaga i le Galuega, o le malaga a Peteru mai lopa i lutaia aga'i atu i Kaisareia i Roma (10: 23 – 24) o se fa'aitiitia o le upu faimalaga mai Ierusalemaga aga'i atu i Roma...*fa'auaua pea...*

## VAEGA 5 MAI LE FA'AFUAGA AGA'I ATU I LE SENETURI LUASEFULU

Se tasi o faiga matagā sa tete'e i ai le au fa'afou o le tu'uina atu lea o le soloia o fa'aipoipoga i mataupu e masalomia i le 'au aigā tupu ma le au maumea e gafatia le mafai ona totogi mo ia faiga. Sa mua'i tete'e i le pulea malosi a le 'au fai tofi a le ekalesia e uiga i fa'aipoipoga ma ona tineia lea o le pa'iaga o fa'aipoipoga ma le faiga masani o fa'aipoipoga a le ekalesia. Latou te le'i mauaina se molimau 'autū mai le tusi pa'ia mo le tele o le vaega o Tulafono a le ekalesia i fa'aipoipoga ma o nisi o le au Fa'afou na tu'ua'ia o Roma ua liliuina fa'aipoipoga o se sakalameta ina ia mafai ai ona pulea fa'aletulafono.

O Matini Luther na fai mai o fa'aipoipoga na i ai mai le amataga o le lalolagi. Sa ia manatu e leai se mafua'aga e talitonuina ai e mauaina e tagata se kalasia fa'apitoa mai le Atua ona ua fa'aipoipo. Na 'au i ai Calvin o fa'aipoipoga e lē o se sakalameta ae o se fa'alapotopotoga fa'anatura, o le mea lea e sau i lalo o vaega Tulafono fa'alemālō i lo le pule fa'alelotu.

O le Fonotaga i Trent sa taumafai e fa'amaonia le tulaga fa'asakalameta o fa'aipoipoga ma le aiā a le Ekalesia e fa'atulafonoina ai. Ua fa'amaonia o le Atua na faia le noataga o le fa'aipoipoga e lē mafai ona motusiaina ina ua faia e le Atua le ulua'i tamaloa ma le ulua'i fafine. O epikopo ua fa'ai'ua o Keriso sa fa'amausalīina lenei ma faia fa'aipoipoga o se sakalameta i le si'itia mai lona natura aga'i atu i se alofa ma ofoofogia atoatoa, e ala ile kalasia na tu'uina mai i le sakalameta.

O epikopo a Trent sa maitauina fo'i o le fa'amata'u tele i le pa'iaga o fa'aipoipoga o le fa'aauauina lea o le faia o fa'aipoipoga fa'alilolilo ua mafai ai e tagata ona fa'aipoipo ona toe lafoa'ia lea o a latou folafolaga. O le isi mafua'aga tāua o le fa'amelea o le fa'atagaina lea o tagata e sa'ili le fa'aleagaina mai konakalate laua'itele o fa'aipoipoga i ni mafua'aga e masalomia. O le mea lea na tusia ai e epikopo se fa'atonuga e 'ese mai ai le maitauina ma le fa'aogaina fa'aletulafono o fa'aipoipoga uma talu ai sa fa'alilolilo ma fa'ailoa mai e leai se

fa'aipoipoga Katoliko e taulia ma fa'asakalametaina vaganā na fa'akonekalateina i le i ai o se ositaulaga ma ni molimau se to'alua. O lenei poloa'iga na fa'amuta ai fa'aipoipoga fa'alilolilo i le Ekalesia.

O le Fouvalega i Farani i le 1789 na fa'amuta ai le pulea fa'aekalesia o fa'aipoipoga i Farani. O le Tulafono na fao e Napoleone (1792) na fa'atulafonoina ai fa'aipoipoga fa'alemālō mo tagatā nu'u Farani. I seneturi na mulimuli mai ai toeititi lava o atunu'u uma i Europa na amata ona fa'atagaina o latou tagata e fa'aipoipo i luma o se fa'amasino fa'aletulafono i lo'o i luma o se ositaulaga po'o le faife'au. O nei suiga na fa'amalosia ai le Ekalesia Katoliko e toe va'ava'ai i ana a'oa'oga autū i fa'aipoipoga ma toe fuafua lelei ai pe fa'apefea ma o afea e tataua ona fa'ae'e ai le sakalameta.

Ona o se maliliega ma se ioega i le vā o tagata e to'alua ua papatisoina e fa'avae ai le konokalate o le fa'aipoipoga po'o le noatia, o le taimi lava fo'i lea o le maliega ua fa'asakalametaina ai le fa'aipoipoga, ma na toe aumai ai nisi fesili:

- O se fa'aipoipoga i le va o le Kerisiano ma le lē-Kerisiano o se sakalameta?
- Afai o se ulugali'i e lē Katoliko ua avea ma Kerisiano pe tataua ona toe fa'aipoipo i le ekalesia pe e mafai ona avea le la fa'aipoipoga muamua o se sakalameta ona o lo la papatisoga?
- Afai o ni Kerisiano e lē o ni Katoliko ua tete'a ma toe fa'aipoipo, o le fa'aipoipoga lona lua e aogā po'o fa'asakalametaina?
- Pe mafai e se tagata e lē o se Katoliko ona fa'aipoipo atu i se Katoliko?
- Pe mafai e se tagata e lē o se Kerisiano ona fa'aipoipo atu i se Katoliko?

## VAEGA 5 MAI LE FA'AFUOUGA AGA'I ATU I LE SENETURI LUASEFULU

I le faia o ni fa'ai'uga i nei mataupu o Tulafono fa'aekalesia i fa'aipoipoga ua amata ona lavelave. O le telosia Katoliko i fa'aipoipoga, e ui i lea, na tumau lava le fa'atauva'a.

- le fa'aipoipoga o se sakalameta na fa'avaeina e Keriso, e to'alua tagata ua agava'a fa'aletulafono e avea tumau ma tu'ufa'atasia o se tane ma se avā.
- le fa'aailoga fa'asakalameta o le tu'uina atu o le maliliega aufa'atasi.
- le moni fa'asakalameta ua i ai nei i le tu'uina atu o le maliliega o le konokalate fa'afa'aipoipoga po'o se noatia, ua avea ma fa'aailoga o le tu'u fa'atasia i le va o Keriso ma le

Ekalesia ma le tu'u fa'atasia e fa'avavau o le ulugali'i.

- le kalasia ua talia e le ulugali'i o se foafoaga ma le a'oa'oga o fanau ma lona lua, ina ia mafai e le lelei atoatoa fa'aleagaga a ali'i ma tama'ita'i i le kalasia mai sakalameta, o le lagoonagosua ua la avea i le tasi ma le isi ile kalasia o le sakalameta, le lagoonagosua o le tasi i le isi ma le fa'amalieina o la mana'oga fa'aletagata...*fa'aauau pea...*

## O LE PESE A LE 'AU'AUNA

O LE TALA LENEI O LE FANAU MAI O LE Mesia. O Maria, lona tinā, na fa'amau atu iā Iosefo; ae le'i fa'aipoipo sa ia iloaina ua tō o ia i le Agaga Pa'ia. Ona o se tagata amio tonu, ma e le'i mana'o fo'i e lavea'i mai Maria i le māasiasi, sa fa'anaunau Iosefo e fa'ata'atia lemū i autafa le konokalate o le fa'aipoipoiga. Ua ia fa'anaunau e faia lea ae ua fa'aali le agelu a le Ali'i iā te ia i se miti, ua fa'apea mai, "Iosefo e, le atali'i o Tavita, 'aua e te fefe inā aumai ia te oe Maria lau avā auā o lana tō mai le Agaga Pa'ia lea. E fanau mai e ia le tama tane, e te fa'aigoa foi ia te ia o Iesu (le Atua le Fa'aola); auā e fa'aola e ia lona nu'u ai a latou agasala. O nei mea uma ua tupuina ia fa'ataunu'u ai mea na folafola e le Ali'i i perofeta: "Fa'auta, e tō le taupou ma fanau mai le tama tane, latou te fa'aigoa fo'i iā te ia o Emanuel" o se igoa o lona uiga "Ua iā te i tatou le Atua." Ua ala Iosefo sa moe, ona faia lea e ia e pei ona fai mai ai iā te ia le agelu a le Ali'i, ua na aumai lena avā. Ae la te le'i feiloa'i ua o'o ina fanau mai e ia o lana tama tane ulumatua; ua ia fa'aigoa fo'i iā te ia o Iesu (Mataio 1: 18 – 25).

8

E faigofie lava ona mauaina le fuafuaga o lenei faitauga mai le evagelia a Mataio. O le autū tonu o le toe fa'amaonia malosi le fanau taupou. Ua fanau mai Keriso ia Maria le Taupou e ala i galuega a le Agaga Pa'ia. Ua tasi lava lona Tamā, le Tamā i le lagi. I se isi itū, ua fa'aeaina e le evagelia le matafaioi a Iosefo. Na sailia e Mataio lona gafa i tua iā Aperā'amo, lo tatou tamā i le fa'atuatua; ua tu'uina atu Iosefo o se tagata e lē māluelue le fa'atuatua ma le amiotonu.

O ia o se tagata e sa'o. Atonu sa le maua se moe lelei i po ina ua iloa ifo ua fa'anonono ma le taupou ua tō. Ae e le'i avea lea ma mea e masalosalo ai pe faia ni tu'ua'iga. O le fa'ai'uga sa mafauina i lona mafauina e le'i o gatasi lea ma le Tulafono tusia po'o tu masani ae na faia e pei o le Tulafono o le alofa. I se fa'avae tau le Tulafono, sa mana'o-mia ona ia avatu se tusi na ia tusia e fa'aailoga atu ai i le au toea'ina ma le 'au matutua ma fa'amoemoega ma mafua'aga i lona te'ena o Maria. O lenei faiga o le a maua ai Maria i ni tigā tele i le fa'alogoga e leai sona aiā tatau e fa'aipoipo atu ai ia Maria, sa ia mauaina se fa'ai'uga o le puipua ai le igoa o Mariai se auala e lē mafai e tu masani ona faia. O ona tigā sa masalomia e mata'utia e pei o tigā sa maua ai Aperā'amo sa manatu e tatau ona faia le taulaga i lona atali'i matua o Isa'ako. E pei o Aperā'amo, na talia e Iosefo le fa'aaliga mai le agelu a le Atua, o se fa'aaliga na matala ai le tele o vaega fa'atafa'ilagi fou.

Sa ia iloaina mai le tusitusiga pa'ia o le Taupou o le a tu'uina atu le igoa i lana tama, o le igoa o Iesu. O lenei ua vala'uina e le agelu a le Atua e fa'asoa i le fa'aeaina o le Taupou o le latalata i le Atua iā Iesu o se fa'auō ma se lagoonago moa so o le fiafia ma mo itula tāua.

Iā ia, o le tala'aga a le au pateliaka, o le tala'aga a le au fa'atuatua ma le esoto, ua toe olaina. Tatou te fa'aeaea fo'i ia te ia, fa'atasi ai ma pateliaka; ona o ia e sa'o ma malosi i le fa'atuatua, o le talafa'asolopito a pateliaka ua taunu'u i lona fa'ataunu'uga lelei. I le fa'atuatua, na usita'i Aperā'amo i le vala'au e alu atu i se nu'u fou ua fuafuaina mo ia ma ona suli, ma na tu'ua lona aiga e aunoa ma le iloaina po'o fea e alu i ai. I le fa'atuatua sa nofo ai o se tagata 'ese i le nu'u na folafolaina iā te ia (Eperu 11: 8 – 9). O Iosefo fo'i, na talia se tala'iga o le tā'ita'ia ai o ia i auala na te le'i iloaina, ae o le a uia so'o le ala o le fa'atuatua, ma mo lenā o le a ia talia le anoanoa'i o le malamalama, e sili atu i lo Aperā'amo. I autafa o Maria, o Iosefo, fuafuaina e le Tulafono o le tamā o Iesu o le a faia se gaoigā tāua i le tala'aga o le fa'aolataga. I lona loto maualalo ma le fa'atuatua, o le a ia iloaina ma Maria le igoa o Iesu, 'Emanuele, le Atua – i – tatou'. Fa'atasi ai ma Maria, o le a peseina i le loto o Iesu le pese a le 'Au'auna, i upu ma amioga.



O Iosefo o le a ola e aunoa ma puipuiga fa'alalolagi nei; taunu'u i Petele'ema, o le lē maua o se aiga mo Maria ma lona alo o le a fanau mai; fa'atasi ai ma Iesu ma Maria, o le ola, toe faia, le tala'aga a Isaraelu, o ni tagata sulufa'i i Aikupito. O le a ia toe fo'i i Nasareta ma lona fa'atuatua ua tu'uina atu na o le Atua. I le leai o se puipuiga fa'alalolagi nei o le a maua e ia le poto masani o le Atua o lo tatou papa. Ua ia a'oa'oina mai i tatou i le ola i le fa'atuatua ma le fa'amoemoe fa'atasi ma Maria ma Iesu.

O le Ekalesia i aso nei ua i ai i se ola fou ma le Esoto ofoofogia i le suiga mai le tasi vaitau i le isi. O ona tagata ua mou atu le tele o puipuiga fa'alalo nei ma o le tele o tu masani fa'atagata ua māluelue. I leni tulaga o tagata o le a va'ai i le Aiga Pa'ia ma a'oa'oina mai ai e lē mo Kerisiano e sa'ili le saogalemū fa'alalo nei ae sa'ili le malosi i le fa'atuatua. O le mafua'aga o le olaga a le Ekalesia ina ia fa'aalia le fa'atuatua i le Ali'i, ia ola i lona afio ai ma iloa e i ai pea le Atua i totonu o ia. Ua na o ia lava o lona malosi'aga ma o le a fa'atasi ma i latou uma e fa'atuatua iā te ia.

Matou te vivi'i iā te oe, le Atua pa'ia e, mo le aumaia i lona fa'ataunu'uga le tala'aga o le pateliaka iā Sagato Iosefo, o lē sa e foa'iina ma le agalelei iā Iesu ma Maria o se fa'auō ma lē e puipui. Sa e fa'amanuia iā te ia i se fa'atuatua malosi ma le fa'amoemoe iā te oe.

E ala i le fautua a Maria ma Iosefo, matou te tatalo e te puipui pea i lau Ekalesia ma fa'amanuia i ai i mealofa o le fa'atuatua ma le fa'amoemoe. Fa'atasi ma lau Ekalesia, fa'atasi ma i matou uma, ina ia aua ne'i loto vaivai i nei taimi o tofotofoga mo suiga, loe, o le tigā o le alu 'ese atu.

Ia olaola pea lau Ekalesia i le fa'atuatua i nei vaiatu o lo'o fa'aautū i fa'atosinaga o suiga. Ia avea o ia ma fa'aailoga o le fa'ataunu'uina o folafolaga tuai, mo Aferika, Asia, Pasefika ma Europa, ioe, fa'apea aganu'u uma Maria ma Iosefo, matou te fa'afetai atu ia oulua mo le ola ai i taimi o fa'aletonu ma le popole i se loto mamā, ma se fa'anaunaga e tasi: ina ia fa'atuatua i le Ali'i.

## FA'ATASIGA TAGATA-LOTU KATOLIKO UA UMA ONA FAI TUI PUIPUI OLE FA'AMA'I MAI LE ASO 2 TESEMA 2021.

*Ole Faiga o Moli Fa'ailoilo ole Koviti-19*

puipui (fa'aaoga iai le fa'autauta).

### Ta'iala mo Tagata e Siakiina Pasi o Tui Puipui e le'i amataina le Misasa.

**Pasi ua va'ai iai ma scan?** Fa'ataga loa e ulufale ile malumalu.

A 'o le'i amataina le Misasa, ia mautinoa ua fa'apipi'i lelei Pepa o Fa'asalalauga e fa'ailoa ai, **o lea fa'atasiga e mana'omia ai le fa'aali o pasi o tui puipui** – e maua mai ia mea uma ile Upega o Feso'ota'iga ole Covid-19.

E pei ona masani ai, e tatau ia latou e fa'afeiloa'ia tagata-lotu ona fa'atino lea vaega i se tulaga to'amalie ma le tausafua. E fautuaina foi le iai o ni tagata a itiiti mai pe to'alua ile faitoto'a ulufale ole malumalu, e fa'atalofa i tagata-lotu ma siaki o latou pasi o tui puipui.

Afai e te manatu e ono tula'i mai ni fa'afitauli i le ono tete'e o nisi tagata i leni fuafuaga, e tatau ona vave sa'ili muamua se tasi ole aulotu e iai le tomai fa'apitoa ile fa'afueina o taimi faigatā, ( e pei o se leoleo, Leoleo Maori, Leoleo Pasefika, Sui o se Au Leoleo Lautele, Tagata Galue mo le Lautele, Sikulatī), e iai faatasi ma ē ole a galulue ile faitoto'a ina ne'i mana'omia le latou fesoasoani.

- 1. Fa'amaonia o Pasi o Tui Puipui o tagata ta'itasi.**
  - Pasi ile Telefoni po ole Pasi ua Lolomi - ua lava ā ile va'ai iai (a 'e mana'o ai e mafai ona fa'amaonia ile scan)
  - Tamaiti – i lalo ifo ole 12 tausaga 3 masina le matutua e le mana'omia e fa'aali mai ni pasi o tui

**2. Leai se pasi?** Afai e lē mafai pe musu le tagata e fa'aali ane ia oe lana pasi, e lē mafai ona ulufale lea tagata i totonu ole falesa. Ia fa'aaoga le gagana filemū e pei o leni: *Matou te fa'amalie atu, ae ole Pasi o le Tui Puipui, o se mana'oga fa'aletulafono mo le ulufale mo le malu puipua o tagata uma. E lē mafai ona matou faatagaina oe i totonu ile asō, ae o fa'amatalaga ia e uiga i Misasa i le Palisi leni po'o se palisi tuā'oi e ,mafai ona e auai, e aunoa ma le fa'aalia o se Pasi ole Tui Puipui, atoa ai foi ma fa'amatalaga e uiga i nisi vaega e maua i luga o fesootaiga televavave. (E mafai foi ona e fa'ailoa i ia tagata le auala e maua ai le Pasi o Tui Puipui).*

**3. Musu e talia leni tulaga ma musu e alu'ese.** 'Aua nei faatagaina i totonu ole falesa. 'Aua foi e te fa'aaogaina se faiga fa'amalosi, ae taumafai i se auala filemū e talanoa ai iā ia/latou ma fa'amanino iai le Tulafono, atoa ai ma le talitonuga o tagata aulotu ua uma ona fai tui puipui, o tagata uma e auai ile Misasa, ua uma ona faia o latou tui puipui ole fa'amai. E leai se tasi e fa'asalā'ese mai ai. Fai iai ile gagana fa'aaloalo, e toe foi e lē ulufale o ia ile sauniga.

## FA'ATASIGA TAGATA-LOTU KATOLIKO UA UMA ONA FAI TUI PUIPUI OLE FA'AMA'I MAI LE ASO 2 TESEMA 2021.

4. **Musu e fa'alogo ma usita'i ae pei ua liuliu fa'alili'i?** la 'aua lava ne'i fa'aulufaleina i latou i totonu, ma ia faia ia tulaga e aunoa ma le fa'aaogaina o se faiga fa'amalosi. Fai i se tasi ole aulotu e alu e sue le Faife'au po o le Taita'i fa'a-le-Agaga ole Palisi e fai iai e alu ane talanoa i le tagata o lo'o a'afia. Ole agaga fa'aaloalo ma le to'amalie e fai iai e tu'umuli 'ese mai le malumalu.

5. **Ua fa'aalia uiga le mafaufau ma taumafai e fa'aleaga taulumaga ole sauniga?** Fai iai i se gagana fa'aaloalo, ole a vili leoleo pe afai e taumafai e ulufale i totonu ole malumalu. Afai e le mau lava se to'afilemu,

ona vili loa lea ole numera 111 ma fa'amatala mea uma i leoleo.

### Fa'amatalaga: Notes:

- E mana'omia fa'aletulafono le palisi ina ia fa'atino ma usitaia Tulafono fou uma nei mo fa'atasiga to'atele i lalo ole Faiga o Puipuiga o Moli Fa'ailoilo. O le suia po'o le le faia o nei poloaiga, e mafai ona faasalaina ai le palisi i se sala tupe mamafa, ma ole a ono saga faateleina ai le pipisi ole Koviti-19. Ole aiā tatau a tagata ua uma ona faia o latou tui puipui, le mautinoa o isi tagata uma i totonu o le sauniga ua fa'apea foi ona uma ona

## O AIGA MA UŌ A KERISO

### O le Malamalama i O'u Ala

O Evagelia uma e fa ua fa'amalosi i tatou e fa'alatalata atu iā Iesu e ala i le tagata o loane le Papatiso. E foliga mai o lo'o fa'apea mai o lo'o aumai e loane se fa'auiga-ga tūa i le fa'auigaga tonu i le malamalama'aga i le tūa o Keriso. E ao ona tatou manatuaina o loane o le atali'i a se ositaulaga Isaraelu ma o se tagata o lo'o manino lelei i sauniga o le Malumalu. Se tasi o na sauniga o le vai ta'ele, o se sauniga fa'amamā e ao i se lutaia amioatua ona uia ae le'i ulafale atu i le Malumalu mo faigā taulaga. A o i le toafa, o loane, le atali'i a le ositaulaga, sa faia se taulaga o se fa'amamā i lana fa'ailoga o le papatisoga. Sa ia fa'asa'olotoina tagata mai a latou agasala ina ia sauniuni ai i latou mo le fa'amasani i le malumalu fou, se faigā taulaga fou, se tofi ositaulaga fou.

Ina ua alu Iesu o Nasareta i le Papatiso, na alaga mai loane, *Fa'auta, le tama'i Mamoe a le Atua. E le'i talanoa mai i le uiga fa'apitoa o Iesu, sa ia fa'aogaina le gagana fa'apitoa i le Malumalu, fa'ailoa Iesu o se tasi o le na sau e fai ai le taulaga. I se a'afiaga, sa ia fa'apea mai o Iesu lava ia, i lona lava tagata, o le malumalu fou, o lona uiga, o le nofoaga e feiloa'i ai i le va o le mamana ma le tagata, i le va o le lagi ma le lalolagi.* Tatou maitauina na ola atoatoa ai e Iesu lenei fa'aupu-ga. I le fa'asino iā ia lava sa ia fai mai, *O i'inei le sili i le malumalu (Mataio 12: 6).* I lana 'au'aunaga laud'itele, sa ia ofoina mai mea tonu sa masani ona maua i totonu o le Malumalu: fa'amagaloga, fa'amalologa ma fa'amatalaga. O Iesu o le Pa'ia o Pa'iaga, ma o loane na fa'asinoina mai iā i tatou le ala i totonu.

### Maria ma Iosefo

O le pa'ō o ili la'au ma le tele, o Iosefo i lana fale kamuta: le gau i la'au, le ta'alili mai o ipu; o Maria o lo'o i ai. Taeao, aoauli, ma le afiafi ua la tatalo fa'atasi ai; nisi o taimi e pepese; e 'a'ai fa'atasi mai le ipu e tasi i le lalou e tasi; e vaevae galuega fai iā i la'ua.

Ma i le tasi aso, na fa'afuase'ia...o Maria ma Iosefo ua va'ai atu le tasi i le isi; sa mate'ia e Iosefo le mea moni, ua va'ai Maria ua ia mate'ia. Sa leai sana upu ma e le'i ai ma se tala a Iosefo. *O Iosefo fo'i lana tane o le tagata amiotonu ia, e le'i loto fo'i ia ina fa'amāasiasi iā te ia i luma o tagata, ua ia manatu e fa'ate'a lemū iā te ia (Mataio 1: 19).*

Fa'auta o le ulua'i tui i lenā loto mamā, o le tomua i le Fa'anoanoaga e Fitu o le ofisa mamana. Fa'auta le fa'alumaina ua avea o se la'asaga muamua mo ia ua tatou vala'auina o le Masiofo o le Lagi ma le Masiofo a Agelu. Maitau pe na fa'apefea ona ia aumaia le Atua i le lalolagi: I le fa'ananā e pei o le sau a le gaioi, e masalosalomia. Ma maitau lenei ali'i amiotonu e tatau ona fa'asalaina, o le a'afiaga muamua o ia ina ua fai mai e le'i sau e aumai le filemū ae o le pelu. O le a le mea e mafai ona faia e Maria? Ua le lea o ia; e le iā ia le malos'aga e mānava atu ai le Upu o lo'o i totonu o ia.

O Lē na avea ma fa'auō a le Atua e tatau ona sauniuni mo le ofoofogia. E le ou te alofa tele i ai, lo'u to'alua fa'apelepeleina, ua noanoatia iā te a'u e se noatia e sili atu le malos'aga i lo le alofa fa'afa'aipoipoiga, o le ua na fa'alataina a'u. I ona tigā, sa ia fa'atopetopeina ona faia se fuafuaga.

O lo'o i ai se mea 'ese i le vateatea; se elemene fou ua

fa'aailoa mai ua tete'e atu i le fa'ataunu'uina i lenā fa'ai'uga sa ia pa'i atu ai ma le fa'anoanoa. Ua iā Iosefo nei se fa'alogo'aga afai na te tuli'eseina lenei fafine, o ia ae lē o le fafine o le a'afia ai.

Ona tupu lea o le mea na ta'u maia iā i tatou e le Evagelia: *ua fa'aali mai iā te ia le agelu a le Ali'i i le miti, le agelu o le Fa'aaliga, ua tatou mautinoa. Ma o le va'aiga o le Fa'aliga, mo fa'amatalaga uma na avatu iā Iosefo. O le Atua Agagalelei, ua malamlama Iosefo.*

E tasi le aso, lua aso ua tuana'i. O lona tolu o aso e le'i tula'i mai lava Maria mai le laulau; sa nofonofo ai pea ma va'ava'ai atu i lona to'alua.

E le'i va'ai atu Maria i mata o Iosefo, sa va'ai atu i ona laugutu. O lo'o mo'i'ini ona mata, ma ua maligi mai ai loimata i lana 'ava sinasina. Ua gaii ona laugutu; ua amata ona faia ni upu lē lea ma fausia le ulua'i fa'afeiloa'iga na sau mai le gutu o le agelu aga'i atu i le ositaulaga: *Maria pa'ia e, ua tumu oe i le kalasia ua iā te oe le Ali'i.*

## Na Fa'amalasia e pei o Iesu Keriso e Sola'ese

I le tala'aga a le Ekalesia, e to'atele Pope na ta'ua le Aiga Pa'ia pe a talanoa i le tausiga o tagata sulufa'i ma tagata faimalaga. O Pope Pio XII i lana fa'avae fa'aaposetolo, Exsul Familia Nazarethana (1952) sa tusia: *O le Aiga Pa'ia o Nasareta, na sosola atu i Aikupito, o se fa'ata'ita'iga lelei o se aiga ua sosola 'ese atu mai le nu'u moni.*

Ua tosi e Pope Faranisisi i tatou i tua i le Aiga Pa'ia ina ua fa'atalanoa mataupu tau i tagata faimalaga ma tagata sulufa'i. Sa ia fa'atusa tulaga na o'o i ai le Aiga Pa'ia ina ua sosola atu i Aikupito i le malaga na faia e le anoanoa'i o tagata faimalaga ma tagata sulufa'i. E pei o le tulaga na o'o i ai le tamaitiiti o Iesu mai le fa'asauaga mai le Tupu o Herota, ua fa'amanatu mai e Pope Faranisisi iā i tatou "o le 'afa o tagata sulufa'i i nei aso i le lalolagi o tamaiti, latou na a'afia i le leai o se amiotonu o le tagata" (Pope Faranisisi 2018).

*O Sagato Iosefo ole sulufaga fa'apitoa mo latou ua tu'ua fa'amalasia latou nu'u moni ona o taua, itagia, fa'asauaga ma le mativa.*

I lana tusi fa'aaposetolo Patris Code (2020), i le fa'amatanuina o le 150 tausaga talu ona fa'avaeina o Sagato Iosefo o le sulufaga o le Ekalesia aoa na folafolaina ai e Pope Faranisisi o le Tausaga a Sagato Iosefo ma avea ai Iosefo o le "sulufaga fa'apitoa mo latou uma na fa'amalasia e tu'ua a latou atunu'u moni ona o taua, itagia, fa'asauaga ma le mativa."

Na fa'amatala e Faranisisi Iosefo o se tagata faimalaga ona sa fa'atonuina o ia e le agelu i se miti e ave Maria ma Iesu ma sosola i Aikupito (Mataio 2: 13 – 23). Na toe

fa'amausalī mai e Pope Faranisisi le loto tele a Iosefo i le fa'atuatuaga na tu'uina atu e le Atua iā te ia mo le 'oa aupito sili le tāua a lo tatou fa'atuatuaga – Iesu Keriso ma Maria lona Tinā.

Fa'atasi ma le miliona o tagata ua fa'aanu'ua nei, ua tatou va'aia ai le anoanoa'i o Iosefo i aso nei ua tu'ua fa'atasi ma aiga o latou atunu'u. E to'atele ae fa'apitoa i le tausaga ua tuana'i o Sagato Iosefo, ua tatou va'ava'ai i le tamā fa'alalolagi nei a Iesu o se fa'ata'ita'iga o le fa'atuatuaga ma le loto tele atoatoa.

O le Caritas Fa'alalolagi ua Fa'asoaina le Faigamalaga

Ia Setema 2017, o le Caritas i Malō a le lalolagi na fa'avaeina se taumafaiga fa'alalolagi nei i le aganu'u o le feiloa'iga i le tulaga i femalaga'iga fa'alalolagi, ua fa'aigoaina Fa'asoa le Malaga (Share the Journey - STJ). I le fatu o lenei mataupu (STJ) le vala'au a Pope Faranisisi ina ia fausia se aganu'u o le feiloa'iga. O le autū o lenei mataupu mo vaega o le Caritas i le lalolagi atoa, e a'afia ai le Caritas a Aotearoa Niu Sila, e fa'agaioia nei taumafaiga fa'atasi ma tagata fai malaga ma latou na avea ma tagata sulufa'i e fa'amalasia le feso'ota'iga ma tagata. O lenei taumafaiga mo le 4 tausaga na fa'atupu teleina ai le fa'amoemoe ma le avanoa o le mafutaga mafana ma tagata fai malaga ma le tagata sulufa'i.

## Aiseā na alu atu ai Keriso i le Toafa

E masalomia o le mafua'aga lenei o agaponi ma fa'alāina ua tatou faia i nei aso – talu mai le ulua'i Atamu, ina o i ai o ia i parataiso, na ave'ese atu le mamalu o le ola e fa'avavau e ala i le fa'aletonu o le so'ona 'ai, Keriso, le Atamu lona lua, e toe aumaia le mamalu lava lea e ala i lana anapogi. Ma o le taimi nei, ona ua ia fa'atupuina le agasala o le oti i le te'ea o poloa'iga a le Atua ma le tofoina o le la'au fa'asaina, o le Ali'i i lana anapogi, usita'ia o poloa'iga, atonu e taualoa ai le amiotonu o le olaga...Mo lenei mafua'aga sa ia mana'o ai e fanau e pei o Atamu i tulaga uma, i le pei o Atamu ina ia mafai ai ona fa'aleagaina agasala uma a le tagata. Mo Atamu na fanau mai le 'ele'ele taupou, ma Keriso na fanau mai le Taupou o Maria...Atamu na foafoaina mai le palapala i lima ole Atua, a o Keriso na foafoa mai le manava e le Agaga o le Atua. O la'ua uma na o mai mai le Atua o se Tamā, ona; o la'ua ta'itasi e i ai se taupou mo se tinā; o la'ua ta'ito'atasi, e pei ona fai mai le fai Evagelia, o atali'i o le Atua, ae o Atamu o se meaola ma o Keriso o se Alo i le fa'aletino...

I le toafa na fa'ataunu'uina ai e le Fa'aola le poloa'iga a le Atua, ina ia fa'asa'olotoina ai le Atamu fealua'i solo i le nofoaga ua ia ave'eseina atu o parataiso. Atamu, ina ua tuli'eseina mai parataiso, sa tumau i nofoaga toafa a se lalolagi pagatia. O le toafa la, na mua'i toe fa'afō'ia maia le fa'aolataga i le tagata – o i'inā e leai ni mea'ai lelei, leai ni fa'afiafiaga...I parataiso o le tiapolo na finafinau ma Atamu, ma i le toafa sa tauivi le tevolo ma

# O AIGA MA UŌ A KERISO

Keriso...O le tino a le Kerisiano i se manatu o se toafa pe a lē fa'atumulia i mea'ai ma fa'afiafiaina e le inu...Ona nofoia lea e le Ali'i Keriso le toafa o tatou tino...ina ua ia mauaina o tatou 'ele'ele e tu'ufua ona o le galala i le fia 'ai ma le fia inu. Ona o le Fa'aola o lo'o nofo i le toafa o tatou tino ua manumalō lea i vaega uma o le tiapolo, ua saogalemū mai mafauauga uma o lenei lalolagi ua ia avea o ona lafitaga, ina ia aumai lenā taimi ua tatou va'aia ai le lagi ma le lalolagi i totonu o tatou lava...Ona fa'apea mai lea, tatou te lē mafauafau i se isi lava ua na o le Ali'i o le Malō o le lagi ma le tusi tala ole toetū fa'alalolagi nei.

## Sa la Avatu Fa'atonuga e o'o lava i agaga e lē mamā

E leai se malosí'aga iā Satani e liutino tagata ai, faia o ia ma se tagata, fanau mai i se fafine. E tatau lava ona galue mai fafo; o ia o se fa'atu'i'ese ona o ia o le inoino, ma o le inoino e lē mafai lava ona liutino tagata e pei o le Alofa ua liutino tagata i le lalolagi. O le inoino e lē mafai lava ona fanau mai augatupulaga i lea augatupulaga e pei o le Alofa.

12

Atonu e foliga mai ua manumalō le tevolo. Ae o le mea moni lava e i ai lava, mai le amataga o le tevolo, le elemene o le lē fiafia.

O se mea fa'atigaina – mo Satani e fa'amalosi e moli-mauina le aumau ai o le Alofa mamana, a Iesu Keriso, i le efuefu ua faia ai i tatou, ma va'ai le vaega o mea fa'alalolagi nei o fa'ae'eina, i le pa'i o ona lima tagata ma le mafanafana o lana mānava, ma le mana o le ola foa'i...

Ae ui i lea o Satani fo'i ia ua lē fiafia, e ui i lona lē fiafia ua fa'aleagaina ai le tagata ola. O le agasala ua ia fa'aogaina i ana taumafaiga ia taunu'u i isi ituaiga o taufa'aleaga o le liutino tagata e lē gata e lē avatua ai iā te ia le natura tagata, ae ua fa'avaivai ai iā i tatou o lo'o mauaina. Latou te lē faia fa'aletagata le tiapolo, ae ua latou fa'aletagataina tagata ola... E manino lelei lava e i ai mafua'aga mo Satani mo fiafiaga leaga i taunu'uga o ana taumafaiga ina ia ausia ana faiga fa'asakalameta. Ae o se taufa'alili mo ia i nei taunu'uga: e lē gata e le'i mafai ai ona avea o ia ma tagata, ae na ave'eseina ai itū tagata o latou o lo'o i ai. E tatau iā ia ona tumau pea i le natura i fafo atu o le sologa lelei ua fa'aosofiaina ai mea uma lava, mai le loto o le tagata aga'i atu i se fetū.

## Molimoliga

E ui lava o lima o Simeona o lo'o foliga mai o lo'o molimoli atua le Alo, o upu a Simeona ua molimauina o ia lava o lo'o molimoli atua le Alo. O le mea lea e leai se fesili mo tatou e uiga i le mea na tupu; o upu na faia ua

fa'amuta ai le fesiligia: *"E te tu'uina atu nei lau 'au'auna, ia alu ma le manuia. O ai lava ua tu'uina atu e alu ma le manuia i le Atua ua molimoli atu i le Atua o se faigā taulaga. Ma ina ia fa'ailoa atu o ai ua molimoli atu i ai, sa ia fa'apea mai: Auā ua iloa e o'u mata lau fa'aolataga. O lenei, afai o le agalelei e le'i galue iā te ia, aiseā ua avatu i ai le fa'afetai? Ua alagatatau ona avatu i ai le fa'afetai ona ua talafeagai ona talia i ona lima le tasi sa fa'atalitali i ai agelu ma perofeta e fia va'ai i ai: Auā ua iloa e ou mata lau fa'aolataga..."*

E leai lava se avanoa mo lo tatou ali'i e leiloa ai; o latou sa leiloa na toe mauaina o ia! O le mea lea, o le 'au'auna, sa fa'aeteete lava ina ia 'aua ne'i leiloa, na momoli atu e le Alo, e lē mafai ona leiloa. *Auā ua iloa e ou mata lau fa'aolataga. O lo'o manino lelei mai o Simeona na tauavea le fa'aolataga i le pepe sa ia tauaveaina. Sa va'aia le filemū na ia taliaina mai le tamaititi sa va'aia o si'i i ona lima. O lenā tamaititi o se mamalu e ui o se ali'i vaivai la'ititi na tauaveina o ia, ma o lē na tauaveina o ia na olioli ona o ia.*

## RUTA

O le igoa o lona uiga o le agaalofa po'o fa'anoanoaga, lagona ole salamō mo oe lava – fa'alumaina po'o faitioga. O Ruta o se fa'aaliga fa'ate'ia i le gafa a Tavita. O ia o le tinā o le tinā a Tavita le tupu, na fanau ma ola ai i Moapi. Atonu na fa'ate'ia le to'atele o tagata Isaraelu ina ua iloaina o le Tupu o Tavita e filogia lona gafa, ona o lutaia o ni tagata mimita sa le fa'atagaina ona fa'aipoipo atu ni Isaraelu i tagata o nu'u 'ese.

O le tala na amata i se fafine e igoa ia Naomi na faimalaga atu i le itū i sasa'e mai le vaega o lutaia aga'i atu i le nu'u o Moapi ma lana tane o Elimeleka. E to'alua ni a la fanau tama na fa'aipoipo uma atu i ni fafine Moapi. Ina ua maliu le tane a Naomi ma soso'o atu ai ma lana fanau tama e to'alua, na tu'ua ai Naomi ma fafine e to'alua o avā a lana fanau. Ae le'i toe fo'i atu Naomi i lona aiga, na fa'ailoa atu Naomi i nei fafine ma le alofa ia toe fo'i i o lā aiga. O le tasi o i la'ua, o Ruta, na musu ma folafola atu lona fa'amaoni iā Naomi e ui o ia o se tagata e 'ese lona ituaiga ma lona fa'atuatuga. Na lu'i e Ruta le mau mai anamua a Isaraelu, sa va'ai i tagata o nu'u 'ese i le masalosalo ma e le'i va'ai i ni lelei i o latou fili. Ina ua taunu'u lea, na ala ile usita'i iā Naomi ma ana galuega lelei, na maua ai e Ruta se sogalemū mo la'ua uma i le fa'atauanauna o Poasa, se tasi o aiga a Ruta, e fa'aipoipo ma ia ma tasi iā i la'ua ma Naomi. O le la tama, o Opetā, o le tamā lea o Tavita lea na avea ma tupu o Isaraelu. E galue le Atua e ala i le fa'atuatua o tagata masani laua'itele o lo'o ola ai i se olaga masani. Na folafola atu e Ruta lona fa'amaoni iā Naomi i le Mataupu 1, fuaiupu 16." *O le mea e te alu i ai, 'ou te alu ai fo'i, e fai lou nu'u mo'u nu'u; e fai lou Atua mo'u Atua"*

## O LE EKALESIA KATOLIKO: O AI E MANA'OMIAINA NI TOE FUATA'IINA

E tele ni vaega e toe fuata'i i le ekalesia.

O tagata 'ese'ese ma vaega toe fuata'i 'ese'ese e i ai lava a latou manatu i le ā, po'o ai, e mana'oina se fa'afouga vave lava.

Sa i ai se tusitusiga talu ai nei e se tagata e uiga ia Pope Faranisisi ua mafua ai ona taumafau atili ai e uiga i nei mataupu. I se va'aiga laua'itele, o ni fa'afouga i le ekalesia e a'afia ai le mafau ma le loto. I le va'aiga fa'afa'avaeina, o atugaluga ona o se va'aiga i vaega laua'itele e pei o a'oa'oga fa'alelotu, amio tatau, fa'alegaga, fa'asauniga, fa'atulagaga ma uiga. O le tele o taumafauga e fa'afou vaega i le lalolagi atoa i taimi talu ai nei sa fa'a'atū lea i le pope, epikopo, ma le "Vatika-no" ona o latou ia e faia fa'ai'uga.

O le fa'apolokiki lenā o le mataupu. Ma ua mafai nei ona tatou faia, talu mai le taufa'aleaga o sauāga fa'afeusuai-ga, e a'afia ai ositaulaga i le lisi lenā. Se'i o tatou me'i tasi mai i tua mo sina taimi ma va'ava'ai i vaega ua fa'asaga i ai lenei fesili atoa ile ekalesia ma fa'afouga.

***Ou te tautala i le poto masani, ma le malamalama o isi mai vaega 'ese'ese ma tausaga, o aganu'u 'ese'ese ma atunu'u 'ese'ese o le i ai o a latou va'aiga fa'apitoa. O le pasene o latou o lo'o a'afia i vaega fa'afou i Ausetalia ma Aotearoa Niu Sila pe 5% pe itiiti fo'i. Ona ta'atia mai ai lea o le 90% o le ekalesia e mafau ma i ai.***

O se pasene e le'i mautinoa o latou ia matutua o mafaua e i luma mai o le Vatikano ma tagata e leai ni manatu po'o ni fa'anaunaga i ni suiga mo latou lava ma e leai ni fa'anaunaga i mataupu i suiga i le ekalesia. O latou ia, o suiga o le a faigatā tele, ma e masalo e o'o mai le oti o tumau pea i talitonuga ma faiga ua masani ai. O le to'atele, pe 40 – 45% e suia a latou manatu ma mea e fai, pe a avatu i ai ni mafua'aga lelei e faia ai suiga.

E tele ni a'afiaga na mafua ai nei mea. O se tasi o nei mafua'aga o le umi o le taimi o lo'o tu'ulafoa'ina talu mai le Vatikano II, ona o le leai o ni polokalame mo le 'au matutua e "ola ai i le fa'atutua' ma atonu fo'i ua tu'ulafoa'ia ai a tatou taumafauga mo fa'afouga.

O se tusitusiga mai se ali'i e igoa ia Antonio Spadaro e uiga i le nofoa'iga a Pope Faranisisi o le a fesoasoani i le tele o auala. O se fesoasoani tele ile malamalama'aga i le va'ai mamao a Faranisisi i suiga ma fa'aliliuga. Ua va'ai Faranisisi i le fa'aliliuga e fa'aoga i tagata uma i le ekalesia. E musuā e gaii i luma i se fa'atasiga se'ia lava se taimi mo tomanatunatuga ma sa'ililiga. O le mafua'aga lea ina ua avea ma pope e le'i tapā ni fa'amavaega mai iā latou sa tete'e iā te ia ae na mana'o e ave i ai le taimi mo sa'ililiga. O le fa'atusatusaga na faia e Fara-

nisisi e fa'ailoa mai ai ana fuafuaga o le fa'aogaina lea o le pepa e ta'ua (litmus paper) e suia le lanu pe a tu'u i se vai ua i ai vaila'au fa'apitoa ma e suia ai le lanu i le mumū pe lanu moana. O le suia o lenei pepa ia fa'afoliga mai ai le mea e mana'o i ai e leai sona aoga. E ao ona fa'atalitali mo le suavai atoa e sui.

Ina ia sui i ni faife'au fa'aipoipoina, o tama'ita'i fa'au'ui-na, fa'aulufale mai le au LGBTIQ i le ekalesia, o le a lē aumaia ai ni fa'afouga i le ekalesia.

O suiga e ao ona ulufia ai le ekalesia atoa. O le mea lea i le Ekalesia. Na mana'o Faranisisi i le ekalesia ia suia. Sa ia te'ea le tipi'eseina o ulu ma faia ni suiga i le pule malosi ona e le moni ia. O le fa'au'uina o ali'i fa'aipoipoina ma tama'ita'i po'o nisi o suiga o le a lē aumaia le fa'aliliuga. O le mea lea, fa'atasi ai ma le fegale-galea'i, e ao ona tatou lava onosa'i. Ae ona o le ekalesia o se fa'apotopotoga a tagata o le a lē ausia se fa'anaunaga.

O tala fa'asolopito ua fa'ailoaina mai o nisi o taimi o latou e lē mafai ona suia pe lē 'au i pulega o le a fa'avaeina a latou lava ekalesia. E lua ni fa'ata'ita'iga mao'e lava: O le Ekalesia Katoliko Tuai, fa'avaeina i le uma ole Vatikano I (muamua) ma le Sosaiete a Sagato Pio X (SSPX) fa'avaeina e Marcel Lefebvre i le 1970 i le mae'a o le Vatikano II (lua).

Ae o le manatu fa'apea tatou te fa'atalitali se'ia tumau pea le fa'atosiga o latou ua 'au ai, e o'o lava pe afai e lē mafai ona maua uma.

O le manatu o lo'o tauavatu so'o se vaega o taumafai mo fa'afouga e tatau ona va'ai toto'a i le 40 – 45% o tagata palisi e mafai ona suia pe a fa'amatala lelei fuafuaga e fia faia iā i latou. Atonu o vaega o le fa'afouga ua mata'itu tele i le au fai tofi ae ua tu'ulafoa'ia ai tagatā lotu.

E i ai lava le manatu ole suia o le au faitofi o se lu'itau tele lea, ae o se lu'itau sili atu o le suia lea o le tu'uvale a tagatā lotu.

O le fa'atusa o le taumafai e liliu fa'avavevave se va'a e feavea'i ai va'alele ua sau i le mafau. O tagatā lotu, e le gata i lea, sa fa'ailoa i ai mai seneturi e tele ua mavae o la latou galuega o le "tatalo, totogi ma usita'i." Po'o. e pei ona fa'amatala e se isi tagata e fa'apea: o tagatā lotu sa "tumau ai" mo seneturi. O se lagona ua leva tele ona lē amana'iaina.

O tatou upu ma gaioga, tatou te taumafai ai e toe fa'atonu palisi i mea ua tatau. O se liua lea mai lalo aga'i atu i luga. E itiiti lava ni mea e taofiofi ai i tatou mai le faia i le taimi nei, 'aua le fa'atali mo se Fono Aofia po'o

## O LE EKALLESIA KATOLIKO: O AI E MANA'OMIAINA NI TOE FUATA'IINA

nisi fa'atasiga.

Olea ua tu'uina mai e Faranisisi fa'amatalaga uma i le mataupu: Toe fo'i i le evagelia ma toe fa'aleleia fausaga o lo'o taofiofia ai le toe fo'i i le evagelia.

- la lava se taimi e tapena ai sauniga
- Fa'avae ni a'oa'oga fa'atusi pa'ia. Fa'avae ni kalapu tusi i faitauga fa'aleagaga
- Fa'avae ni vaega mo metitasio, vaega e asiasi i tagata mama'i, ma falepuipui.
- Vala'au i tagata e fa'atalanoa mataupu tāua ma mataupu tau i le ekalesia.
- Faia ni gaoiga mo tagata sulufa'i ma va'ai fa'alelei vaega tau tupe a palisi.

O nei mea uma e mafai ona faia iā tatou palisi e aunoa ma ni faife'au.

O le fa'afitauli o nei aso ua tele ona tatou fa'atalitali mo isi (epikopo) e amataina ona fa'agaioi ona o vaega na a le au faitofi na tatou ola mai ai. E le tu'ua ai lava le talanoa i epikopo ae tatau lava ona tatou amatamea i mea tatou te mafaia ona fai i totonu o a tatou palisi po'o pule'aga.

I na fa'aupuga, o tatou o ni tagata e lē lava onosa'i. Tatou te ola ai i se lalolagi o lo'o vave ona tutupu ai suiga i lo isi vai tau ua tuana'i. Ua tatou mumusu e toe fa'atalitali mo epikopo e fa'agaioia. Tatou te talisapaia o sinoti (fono aao) e lē o ni palemene mo mataupu fa'alemalō ma o le sa'ili'iliga e tatau. Mo tagata ta'ito'atasi e faia ni lauga e si'itia ai ona ia lava manatu o lona uiga e le fa'alogo le tasi i le isi.

## FAITAUGA MO LE MASINA O FEPUARI – 2022 – TAUSAGA

14

### ASO 6 FEPUARI ASO SA 5 TAUSAGA MASANI:

Faitauga muamua Isaia: 6: 1 – 8. Matua: O a'u lenei, inā auina atu a'u.

Salamo: 138: 1 – 2 (tali), 3 (tali), 4 – 5 (tali), 7 – 8 (tali). Tali: 'Ou te fai pesega iā te oe i luma o agelu, le Ali'i e, 'ou te vivi'i atu i lou suafa.

Faitauga lona lua: 1 Korinito 15: 1 – 11. Matua: Po o a'u po o i latou, e fa'apea ona matou tala'iina atu.

Aleluia, Aleluia... la manuia le tupu o lo'o malui mai le suafa o le Ali'i; o le manuia i le lagi, o le vi'iga fo'i i mea aupitūaluga... Aleluia.

Evagelia: Luka 5: 1 – 11. Matua: Ua latou tu'u mea uma, a e mulimuli atu iā te ia.

### **Tofitofiga O le Upu**

E moni o lo'o fa'apea mai o tagata ola e i ai le gafatia mo se loto toa maoa'e, o vituti, agalofa ma le agalelei, e fa'apea fo'i ona moni o le tele o tagata ola ua fa'ailogaina i se iloaina o le lē atoatoa, vaivaiga, mā'ale'ale ma le manatu fa'apito. E masani ona lagonaina nei mea i se fa'alogo'aga o le lē aogā pe a feagai ma mea ua lelei ma pa'ia. O Isaia ma Peteru sa tali atu i le auala lenei. O Isaia sa feagai ma le va'aia o le Atua, ma Peteru ile feiloa'i atu i le moni o Keriso, i le fa'ailoaina o le 'avanoa' i le va o latou ma le tasi e pa'ia atoatoa. Mo Peteru ma Isaia o nei feiloa'iga e lē o la'ua na mafua ai – na sa'ili mai mo la'ua: e tāua lenā. O tatou uma lava e mafai ona tatou i ai fa'atasi

ma le ta'uta'ua ma le lelei, ma iloaina ai 'avanoa' i le va o tatou ma latou. Ae 'ese pe a sa'ili e se tasi tatou ma filifili e feiloa'i ma tatou i o latou lava taimi ma fuafuaga – e masani o se fa'ailoga lenā o le fa'atāuaina o tatou. Ua vala'auina Peteru ma Isaia e lē fa'apea ona e ta'uta'ua pe lelei pe pa'ia, ae ona ua filifilia e alolofa, ma o le isi e filifili i le alofa o le Atua e pa'ia atoatoa. Ma ua filifilia i la'ua e avea ma mea faigaluega, tauavea le galuega e lē fa'avaeina i le lē atoatoa – ae ona ua alofagia. O tatou uma e fa'alogo i nei faitauga i lenei aso Sa atonu o lo'o maitauina lelei o tatou fa'aletonu ma vaivaiga ma le lē aogā, ae o tatou fo'i, e pei o Isaia ma Peteru ua filifilia, e lē fa'apea ona o tatou vituti po'o le loto tele, ae ona ua alofagia. O la

# FAITAUGA MO LE MASINA O FEPUARI – 2022 – TAUSAGA

tatou tali vave e malamalamaina – ma tatau – ae o le ‘avanoa’ e lē o se mea ua taofiofia ai a tatou gaioiga, ae o Isaia ma Peteru ua fa’amaopo maia o se faiga o

auala ua finagalo i ai le Atua e fa’atino ai ana fuafuaga.

## **ASO 13 FEPUARI ASO SA 6 TAUSAGA MASANI:**

Faitauga muamua: Ieremia 17: 5 – 8.

Matua: Ia malaia le tagata e fa’atuatua i tagata. Amuia le tagata o lē fa’atuatua i le Ali’i.

Salamo: 1: 1 – 2 (tali), 3 (tali), 4, 6 (tali). Tali: Amuia le tagata o lē fa’atuatua i le Ali’i.

Faitauga lona lua: 1 Korinito 15: 12, 16 – 20. Matua: Afai ua lē fa’atuina Keriso, ua fa’alēaogaina lo outou fa’atuatua.

Aleluia, Aleluia... Ua liu tagata le Upu, sa mau o ia ma i tatou. A o i latou uma o ē na talia o ia, na ia avatu i ai lea lava manuia ia aveia i latou ma fanau a le Atua... Aleluia.



### ***Tofitofiga O le Upu***

O lo’o i ai se mea e fa’amaniti tino mai le faitauga muamua i le asō fa’apea le Evagelia. Ua tatou masani i ‘Fa’amanuiaga’ a Mataio ma o lea la e mafanafana ai – ona auā e fai lava sina faigatā teisi ona malamalamaina. Ae o fa’amanuiaga a Luka ma fa’anoanoaga tele (‘fiafia’ ma le ‘auē’) e maoa’e. O Luka o le Evagelia e foliga mai e vivi’i le mativa ona o latou e matitiva ma ua tu’ua’ia le ‘au mau’oa ona e mau’oa. E lē fa’atauva’a fa’apenā – ae – ma e tāua – ae o Luka e ala mai i lana Evagelia, e fa’atatau o le mativa ma le mana’o e sili ma lelei atu lona lelei ona o lo latou mana’o ma vaega fa’apea o le a sa’ili mo se togafitiga. O Ieremia, a talanoa mai iā i latou e fa’atuatuaina le ‘tagata’ – lona uiga o le malosi fa’aletagata – ua ofoina

maia se malamalama’aga atili: A o’o mai se lelei, e leai ni ona mata e iloa ai. O lona uiga o le va’aia o mea e pei ona iloa atu – o le fa’amoemoe iā ia lava o se ituaiga o tauaso lea. O le faigatā mo latou e mau’oa/manuia/mamana/malosi ua masani i le fa’amoemoe iā i latou lava/ o latou ‘oa/ lo latou mana i lo le Atua. O le lu’i la e faigofie: o a mea e fa’alagolago i ai le tagata ola – o latou lava po’o lē na faia i latou? Afai o le fa’alagolago a le tagata ola o tatou lava, ona ‘auē’ lea mo tatou, ae afai ‘ona o le Alo o le Tagata’ ua tatou maua ai le fa’amoemoe, ona fa’apea lea ona olioli (fa’amanuiaina). Ua ofoina mai e Paulo se lu’itau e tutusa – o fea e tu’u i ai fa’amoemoega a le tagata? Afai o lona lava ola, ua leiloa mea uma. Ae afai o tatou fa’amoemoega o le Ali’i Toetu, e leai se mea ua leiloa ma o mea uma ua maua.

15

## **ASO 20 FEPUARI ASO SA 7 TAUSAGA MASANI:**

Faitauga muamua: 1 Samuelu 26: 2, 7 – 9, 12 – 13, 22 – 23. Matua: Ua tu’uina mai oe e le Ali’i iā te a’u, a ua lē mafai ona fa’ao’o lo’u lima iā te oe.

Salamo: 103: 1 – 2 (tali), 3 – 4 (tali), 8, 10 (tali), 12 – 13 (tali). Tali: E alofa mutimutivale ma alofa fua mai le Ali’i.

Faitauga lona lua: 1 Korinito 15: 45 – 49. Matua: Fa’apei ona foliga i tatou i le fa’a’ele’ele, e fa’apea lava i le fa’alelagi.

Aleluia, Aleluia... O au afoga o le agaga ia, o le ola fo’i ia; o iā te oe upu o le ola



### ***Tofitofiga O le Upu***

Atonu o se mea tau i le aganu’u i aso nei, po’o ala o le tagata, ae ua faigofie ona ola a’i le olaga ua pei oni fa’afitauli e fo’ia. ‘Afai e mafai ona ou feagai atu i lenei fa’afitauli, ona mautinoa lea o le a lelei mea uma.’ Ua foliga mai ua fa’apenā ona alu ai (se’ia tula’i mai le isi fa’afitauli). Ma ina ua sola ‘ese mai Tavita mai iā Saulo, o se suiga fa’afuase’i ona liua mea na tutupu ma maua ai se avanoa ua ofoina mai ai ma se tali vave ma na mana’o Apisai ia Tavita ina ia fa’aoga le avanoa ua maua e fofō ai le ‘fa’afitauli’ a Saulo. Na te’ea e Tavita le fofō, ona sa ia maitauina o lo’o i ai se

ātatele atu o lo’o i ai. E lē o le fesili pe fa’apefea ona feagai atu ma mea ua tula’i mai, ae pe fa’apefea i se tagata ona ola ai ma se mafutaga ma le Atua ma mea tau i le Atua. O Saulo na fa’au’uina e le Ali’i ma o le a afaina ai o ia o le a fa’apea ona fa’aletonu le la va ma le Ali’i.

O le a’oa’oga maoa’e a Luka i le Evagelia o le asō (le Lauga i luga o le Laulelei – e tutusa ma le Lauga a Mataio i luga o le Mauga) ua fa’ailoa mai ai se āta tele i se aula o le fa’aaloalo. O a’oa’oga ua aumai e Iesu e fa’atauanau toe lu’itau tele i auala o lo’o fa’amoemoe mo tagata e tatau ona ola ai: ‘Alofa atu ia i latou e ita

## FAITAUGA MO LE MASINA O FEPUARI – 2022 – TAUSAGA

mai, 'aua ne'i toe fa'afoti mai au 'oa mai le tagata na gaoi mai ia oe.' Na faia e Iesu le mea na faia e Tavita ma fa'alaua'itele – afai o Saulo o lē na fa'au'uina e le Ali'i – e fa'apena fo'i tagata uma. Ua fa'apelepeleina ma alofagia e le Atua, ma filifilia e pei o Saulo. Ina ua vala'aulia e Iesu ona so'o ina ia alofa atu e pei ona alofaina e le Tamā' o lo'o ia talosagaina i latou ina ia va'ai i le āta laua'itele ma ola ai – va'ai e pei o le Atua ma ola ai. O lona uiga ia 'alo 'ese i le va'ai na o le tai-mi nei po'o le ola i se olaga ua na o ni fa'afitauli e mana'omia le fa'aleleiga. Ua vala'ulia i latou e fa'alogo-goina ma va'ai i le olaga o se mea atoa, o mea uma o se vaega o se atoaga – ma e a'afia ai le ola ua tatou ta'ua o le ola e fa'avavau – o lo'o i ai meaalofa mo oe: o se fua atoa, ua 'o'omi i lalo...ma ua oso i lalo.

I se isi itu o le mea ua vala'auina atu i ai tatou, i le upu

a Paulo i le faitauga lona lua, e pei o se Atamu fou. O tatou mai le 'ele'ele, ae o le vala'ulia ina ia avea o le Atamu lona lua – fa'atusa i le tagata mai le lagi – na avea ma 'agaalofa e pei o le Tamā agaalofa.'

### ASO 27 FEPUARI ASO SA 8 TAUSAGA MASANI:

Faitauga muamua: Sirako 27: 5 – 8. Matua: 'Aua e te vivi'i atu i se tagata a o le'i tautala mai o ia.

Salamo: 92: 1 – 2 (tali), 12 – 13 (tali), 14 – 15 (tali). Tali: E lelei ona vivi'i atu i le Ali'i.

Faitauga lona lua: 1 Korinito 15: 54 – 58. Matua: Ua foa'iina mai le manumalō iā te i tatou e ala mai iā Iesu Keriso.

Aleluia, Aleluia...O au afioga o le agaga ia, o le ola fo'i ia; o iā te oe upu o le ola e fa'avavau...Aleluia.

Evagelia: Luka 6: 39 – 45. Matua: O le tele o mea i le loto e tautala mai ai le tagata.



16

### ***Tofitofiga O le Upu***

E i ai faitauga mo aso Sa o lenei vaiaso e seāseā fa'alogoina ona o le aso Sa valu o le tausaga e masani ona leiloa i se tasi o sulufaga i le mae'a ole Eseta ae o le tuai mai o le Eseta o lenei tausaga o lona uiga ua mafai ai ona tatou va'ava'ai i lu'itau ma le mata-gofie ua aumai e nei faitauga. O le faitauga muamua ma le evagelia ua aumai ai ni tusitusiga ua momoli mai ai – alaga'upu ma fa'ata'oto, mai le tusi a Sirako (Ekelesiatiko) fa'a'atu i le tautala, latou mai tusi nei e lua le lē amiotonu i le feso'ota'iga. E tele fa'apopotoga i le lalolagi ua tumu i upu ma fa'atusa ua faia ma feso'ota'iga – ma e masani ua lauiloa ma ni fuafuaga e taufa'asesē. O nei faitauga ua vala'auina latou uma na fa'alogo e fa'amasino a latou lava upu ma fuafua lelei upu ua latou fa'alogo i ai. E lē o se galuega e lē tāua lenei. E tāua ona o Tu masani Kerisiano e masani ona fa'aaloogia le 'upu' o le feso'ota'iga sa'o a le Atua i tagata, i upu tusitusia a le Tusi Pa'ia, ae fa'apea, le tāua, e pei o Iesu Keriso, le Upu o le Atua lea mai le amataga ma o lē na avea ma Upu ma avea ma Tino. Mo so'o o le Upu o le autū lea mo feso'ota'iga uma lava, ma o feso'ota'iga uma i le upu, fa'atusa po'o gaoiga ua fa'amasinoina lea pe moni i le

maopoopoga. O nei tusitusiga uma e lua o lo'o i ai se manatu ua fa'amamafaina mai o le ala o le olaga a se tagata o le moni – po'o se isi lava – ua latou tautala mai ai ua mautinoa: i o latou fua o le a e iloaina ai i latou. E i ai pea lava le vala'au mo se tomanatuga ma le su'esu'eina mo so'o ina ia fa'amautinoa o a latou upu ma gaoiga e i ai le amiotonu ua atagia mai ai le fa'aioaina ole Upu. A o tatou faimalaga atu i le Fagafulu i lenei vaiaso, o se galuega lena e mafai ona avea mase auala tāua e sauniuni ai mo le patipatia o le Misitelio o le Paseka.



## O LE ATALI'I FA'AMA'IMAU'OA

O le tala i le “atali'i fa'amāumau'oa” ua fa'aigoaina i le gagana Peretania ole “prodigal” (son). O lea upu o se misitelio i le to'atele. Ua na pau le taimi na alia'e ai ma fa'alogoina o le fa'atomuaga o lenei fa'ata'oto. O lona uiga autū o le “fa'ama'imaui” – ae maise pe a talanoa i mea tau tupe. Na sau mai le a'a Latina o lona uiga “i luma” ma “fa'aalu i luma”. O lo'o fa'ailoa mai ai le tulaga ole tagata o lo'o fa'aalu i luma ana tupe – o lo'o fa'ama'imaui i le fa'aalu i mea lē aogā. O le mea lea o lo'o faia i le tala o le atali'i fa'ama'imaui'oa.

**Aiseā na fa'amatala ai e Iesu lenei tala? O lo'o talia lenei fesili i le amataga a Luka 15, o lo'o tatou faitau ai:**

{1} Ua o mai iā Iesu tagata āo lafoga uma ma ē agasala e fa'alogologo iā te ia. {2} Ona muimui ai lea o le au Farasaio ma le 'au tusiupu, ua fa'apea ane, “Ua talia e lenei tagata o ē agasala, ua 'a'ai fa'atasi fo'i o ia ma i latou.” {3} Ona fetalai atu ai lea o ia lenei fa'ata'oto, iā te i latou...O le mea moni lava e tolu fa'ata'oto:

*Le fa'ata'oto o le mamoe na leiloa*

*Le fa'ata'oto o le tupe na leiloa*

*Le fa'ata'oto o le atali'i na leiloa*

O nei fa'ata'oto uma o lo'o talanoa i mataupu tau i le toe mauaina mai na leiloa, o se fa'amatalaga manino le mafua'aga na taliaina ai e Iesu tagata agasala ma 'a'ai fa'atasi ma i latou: Ua leiloa i latou ma ua ia mana'o e toe aumai iā i latou. Ae mālīe lava, o le fa'ata'oto o le atali'i fa'amāumau'oa (ma le fa'ata'oto ole tupe na leiloa) ua na o Luka e maua ai.

### **O le a le mea na tupu i lea fa'ata'oto?**

O fa'ata'oto a Iesu o lo'o fa'avae i mea moni na tutupu i lenei olaga, e ui e masani ona aga'i'ese mai le tulaga sa fa'amoemoe i ai i ni ala fa'ate'ia. O na ala fa'ate'ia ua a'oa'oina mai ai ni lesona iā i tatou. O le tala lea o lo'o fa'atusa i ai e Iesu le tulaga o se tamā ma ona atali'i e to'alua, ma o le tasi ua le mafai ona fa'atali mo lana sea o le 'oa. I le sosaiete lutaia, sa i ai Tulafono e fa'atonutonu ai le fa'asoasoina o oloa fa'asolo i fanau. O le tama ulumatua e fa'aluaaina lana vaega (va'ai Teu-terenome 21: 17), a o i si uso e ta'itasi a latou vaega e maua. Afai e to'alua ni au uso (e pei o le tala lenei), o le uso matua e mauaina le luavaetolu o le esetete ma ole uso la'ititi e tasivaetolu.

### **O le a le mea o lo'o aunani atu ai le atali'i fa'amaumau'oa?**

I lenei fa'ataoto, o le mana'o a le latali'i la'ititi “ia e aumai iā te a'u lo'u tofi o le 'oa” (v. 12). O lona uiga o lo'o mana'o mo le tasivaetolu o mea a lona tamā na te mauaina pe a maliu lona tamā. Mafaufau i ai. O lo'o fai atu i lona tamā mo lana vaega o mea uma lava i le taimi nei, ae le'i maliu lona tamā, ae o lo'o mafai lava e le tamā ona fa'aogā ia mea.

E toafia ni tamā i nei aso o le a mauaina lenei fa'aupuga? E to'afia o le a malilie i ai pe a talosaga atu se tasi o ona atali'i? E lē to'atele.

O se talosaga ofoofogia lenei ma e maofa tele lona ofoofogia i le lalolagi anamua. I se sosaiete e maualuga le fa'aalologiaina o matua, e masalo e tutusa ma le fai atu fa'apea: Tamā, ua le mafai lava ona ou fa'atali se'i e oti. Aumai ia la'u tasivaetolu o mea uma lava i le taimi nei.

### **O le a se a'oa'oga mai le tali a le Tamā**

E ui i le ofoofogia – ma le lē 'ano'ano – ma le lē fa'aaloalo o le mana'oga a le atali'i la'ititi, na faia lava e le tamā! E ofoofogia! O lenei mea o lo'o atagia mai ai le loto fa'amagalo ma le fa'atu'utu'u a le Atua iā i tatou. E o'o lava o tatou gaioiga o le manatu fa'apito e pei o le atali'i fa'amāumau'oa, na fa'amagalo i tatou e le Atua. Sa ia selesele mea o ia e āna ae na fa'ataga i tatou ona so'ona fai i le

## O LE ATALI'I FA'AMA'IMAU'OA

*fa'aaloalo mo tatou sa'olotoga na ia foa'iina mai iā i tatou. Ae sa ia silafiaina lelei lava tatou te lē tausia lelei la tatou sa'olotoga ma e leai se lelei e maua mai ai e pei o le atali'i fa'amāumau'oa sa le fa'aogaina lelei lona sa'olotoga, ma na fa'atuatuaina i tatou e le Atua o le a tatou a'oa'oina mai ai ni lesona ma toe fo'i mai ai iā te ia.*

### **O le a le mea na soso'o ai na faia e le atali'i fa'amāumau'oa?**

Ina ua avatu i ai le tasivaetolu o le esetete a lona tamā, sa ia aveina uma “ua alu malaga i le nu'u mamao, ua fa'ata'ape'ape ai ana mea i lea nu'u ua so'ona ulavale” (v. 13). I lenei tusitusiga, o lona uiga ua ia tu'ua le Nu'u Pa'ia ina ia alu atu, i lona sa'olotoga, i le fa'aaunu'ua i se nu'u 'ese ma le fa'apaupau, se nofoaga e mafai ona nofo ai e leai ni tagata lutaia e si'osi'omia ai o ia. Sa mana'o e alu 'ese atu mai le nu'u a le Atua ina ia ola ai i le agasala ma fa'atupe ai le olaga agasala i mea sa ia aumaia mai lona tamā. Ae i le i'uga o mea sa iā te ia ua uma ma o taimi faigatā ua tula'i mai. Ana lē so'ona fa'aaluina tupe i mea le aogā, (na iloaina mulimuli mai o fafine tala tane) se manū e i ai lava tupe e mana'omia e fa'asoasoa lelei mo taimi faigatā, ae ua leai lava se mea. Ua o'o i le tulaga ua fia 'ai ma na tu'uina atu o ia lava i se fa'apaupau (māasiasi #1) ma fafaga pua'a a le fa'apaupau (māasiasi #2). A tonu sa fiafia e 'a'ai fa'atasi ma pua'a (māasiasi #3), ae leai se isi na avatua i ai se mea'ai, na o'o lava i mea na masuasua pe totoo a pua'a (māasiasi #4).

Ina ua o'o i lea tulaga maualalo tele, sa ia toe manatua ai lona tamā agalelei sa faia lelei ana 'au'auna: *E lē to'atele 'ea o 'au'auna a lo'u tamā ua faula'i a latou areto ua totoo; a o a'u, 'ou te matelaina!* (v.17).

### **Ona ia fuafua ai lea e toe fo'i i lona tamā ma fai atu ni mea se tolu:**

1. Lo'u tamā e, ua ou agasala i Lē o i le lagi, atoa ma ou luma (v. 18)
- 2.
3. Ua 'ou lē toe aogā ona ta'ua o lou atali'i (v. 19a).
- 4.
5. Ia avea a'u ia pei o se tasi o au 'au'auna (v.19b).
- 6.

E o'o lava ona avea ma se tasi o 'au'auna a lona tamā ua sili atu i lo le mea sa ia i ai i lenā lalolagi.

### **O a ni a'oa'oga mo tatou mai gaoiga a le atali'i fa'amaumau'oa?**

Ua a'oa'oina ai i tatou le loloto e o'o i ai le sa'olotoga ua tu'uina mai iā i tatou. A tatou finau e tu'ua le Atua, o le a lē alualu lelei mea mo tatou. O le a fa'amāasiasiina i tatou i lenei lalolagi e lē popole. O le mamao atu o tatou mai le alofa o le tamā, o le tele fo'i lea o le fa'aletonu o le a tatou i ai, ma o le ala sili o le toe fo'i i le Atua ma lana fa'amagaloga.

### **O le a le isi la'asaga na faia e le tamā?**

Ina ua toe fo'i mai le atali'i fa'amaumau'oa i lona tamā, o se mea tāua lava na tupu. A o taumamao lava o ia, na iloa atu e le tamā, ma le alofa iā te ia, tamo'e atu, fusi mai o ia, ma kisi atu i ai. O se uiga 'ese lenei mai se feiloa'iga māasiasi sa manatu i ai le atali'i e fa'avae i luga o ana faiga talu ai ma le taufaifai i lona tamā! Masalo na fa'ate'ia le atali'i ua toe fo'i mai!

Ae sa ia fa'aaauu pea ona amata ona fa'aleo atu lana tautaulaga sa a'oa'oina lelei i lona tamā, ma sa ia mafai ona avatu vaega muamua *e lua ma fa'apea atu:*

1. Lo'u tamā e, ua 'ou agasala i Lē o i le lagi, atoa ma ou luma (v. 21a).
- 2.
3. Ua 'ou lē toe aogā ona ta'ua o lou atali'i (v. 21b).
- 4.

Ae le'i fai atu le vaega lona tolu - *ae le' i fai atu e avea o ia ma se tasi o ana 'au'auna – sa fa'alavelave mai le tamā i mea ua tupu ma tata'i i se taunu'uga 'ese lava. Sa liliu atu i 'au'auna ma*

## O LE ATALI'I FA'AMA'IMAU'OA

*fa'atonu se fiafiaga tele.*

### **O a ni a'oa'oga ua maua mai gaiogiga a le Tamā?**

O le lesona muamua e lē faia se atali'i o se 'au'auna. O le atali'i la'itiiti o lo'o tumau pea o se atali'i. O le i'uga o se mea e ao ona patipatia mo tagata uma. O le a i ai se musika ma faiga siva. Aiseā? Ona O lo'u atali'i lenei na oti, ua toe ola mai" ma "Sa leiloa, ua toe maua mai."

Ua fa'ailoa mai iā i tatou le uiga ole Atua pe afai tatou te toe fo'i mai le leiloa i le agasala. E lē matau'a iā i tatou i mea ua tatou faia. E le avatua i tatou ma le lē fiafia. E pei o le tamā i le fa'ata'oto, e toe avatu i tatou ma le olioli! Naunauta'i! Ae le pau lea i lenei tala...

### **O le a le mea na soso'o ai na faia e le uso matau?**

E masani e tasi lava se a'oa'oga tele i fa'ata'oto ta'itasi mo tagata autū o lo'o ta'ua ai, ma o lenei ua tatou o'o mai i le lesona e mafai e le uso matua ona a'oa'o mai iā i tatou. E le'i mana'o i lana vaega. Sa nofo ma le fa'atuatua i lona tamā. A o lenei ua tumu i le ita. Aiseā i lona uso la'itiiti ona, fa'ataugā ma le agasala ona tu'uina atu i ai se fa'afeiloa'iga fa'apenei? O le uso matua ua matuā ita tele na musu e 'au atu i le fiafia sa fai.

Na iloa e lona tamā ma na sau ma talanoa atu i ai. Ina ua tupu lenā mea, na tatou iloaina e lē gata sa matuā ita i lona uso ae fa'apea fo'i lona tamā. Sa ia fa'ailoa atu e le'i mana'o lava e lē usita'ia fa'atonuga a lona tamā ae e le'i avatua lava e lona tamā se tama'i 'oti e fasi ma fiafia ai ma ana uō.

I se fa'atusatusa atu, o le uso la'itiiti sa "fa'amāumau lou ola ma fafine talitane" (ua fa'amāumau ai le tasivaetolu o le esetete a lona tamā), ae ina ua toe fo'i mai o le "povi peti" ua fasi mo le fiafia. Ua va'aia e le uso matua lenei 'ese'esega o se lē fai meatonu aga'i iā te ia ma na ita ai i lona tamā. E pei ona tatou va'ai i ai, sa popole fo'i o ia i lona tulaga mautū i le aiga ina ua foliga mai ua fai mea fa'apito le tamā i le uso la'itiiti.

19

### **O le ā le mea na faia e le tamā?**

E tolu mea na fai atu le tamā i lona atali'i.

Muamua, sa ia fai atu i ai: Lo'u atali'i e, tā te nonofo pea ma 'oe. O se fa'amafanafanaga lea mo le atali'i matua o lo'o tumau pea lona tulaga i totonu o le aiga. O lo'o mausalī pea lona tofi. Lona lua, sa ia fai atu: O a'u mea uma lava, o au mea fo'i ia. O lenei ona o le vaevaeina o le esetete ua uma ona fai. Na alu le atali'i la'itiiti ma ave lana tasivaetolu, o le luavaetolu la o lo'o totoe o le atali'i matua e āna.

O lona uiga o le fiafia o lo'o faia nei e lē o se taufa'amata'u i le uso matua po'o lona tofi. O se patipatia o le fiafia ona ua toe fo'i mai lea atali'i.

### **O a ni a'oa'oga fa'aleagaga mo tatou?**

Mai lenei fa'ata'oto e mafai ona tatou aumai ai ni lesona fa'aleagaga:

E mafai ona avea i tatou ma se atali'i moni o le Tamā – o lo'o "ola" ai fa'aleagaga – ma e "leiloa" e ala i le agasala. E mafai ona liliu o tatou tua i le Tamā fa'alelagi ma tu'ua o ia i o tatou loto faitalia. O le agasala moletale o se moni e mafai ona tupu. O le agasala moletale ua tu'uina i tatou i se tulaga ua sili atu le leaga i lo tulaga sa tatou i ai muamua.

Ae ui i lea, e mafai ona tatou toe fo'i i le Tamā ma toe talia e ia tatou ma le fiafia tele. O le mea moni lava, o lo'o fa'atalitali mai ma le fiafia e talia ma fa'amagalo i tatou, e lē afaina lava ni fa'aletonu na tatou faia.

O Kerisiano e le'i fa'aletonu e lē tataua ona te'ea i latou ua toe fo'i mai. E tataua ona fa'asoa i le fiafia a le Tamā. O latou tulaga ua mausalī ma le tau mai le lagi ua lē afaina. E alofa le Atua iā i latou e pei o i latou ua toe fo'i mai e ala i ni fa'aliliuga maoa'e.



# FA'ASILASILAGA MAI LE KAPELANISIA SAMOA PULEA'AGA FA'A-AKIEPIKOPŌ EKALESIDIA KATOLIKO I UELIGITONE

## FA'ASOLOGA O LE SINOTI 2022

E matou te fa'atulou atu ile paia ma le mamalu ole Fa'afofoga'aga a Samoa ile tautua male auaunaga a le Siufofoga ole Laumua, ae o lenei fa'asilasilaga e patino tonu ile Kapelania Samoa ole Ekalesia Katoliko ile laumua i Ueligitone.

Ua le o toe po se lilo i le silafia, ole tatou Kapelania, aemaise o Taitaifono ma Laulau o aulotu ta'itasi, ile finagalo o lo tatou Tamā Katinali, o le Akiepikopō ole Pule'aga Katoliko a Ueligitone, o John Dew, e vala'auina ai ma le fa'aaloalo tagata lotu uma mole tuuina mai o ni o outou finagalo e lagolago ma fa'atinoina ai ni suiga ile malaga fa'a-Sinoti a le Ekalesia mo le aga'i i luma.

Ua faatulagaina ai nei e le Kapelania Samoa, ni feiloa'iga faasolo i Palisi ta'itasi ole tatou Kapelania i Ueligitone, mo le fa'amaopopoina ai o manatu ma finagalo 'ese'ese, ole a mafai ona tu'uina mai, e le mamalu 'ese'ese o a tatou aulotu.

O ia fuafuaga o se vaega ole Malaga-Fa'asinoti a le tatou Puleaga, e pei ona tofā iai le Ao ole Ekalesia Katoliko i Roma, le Afioga ile Tupusa ia Pope Falanisisi, e pei ona faagasolo ai nei fa'atasiga ma fonotaga fa'a-Sinoti i itu 'ese'ese ole Lalolagi.

O finagalo ma manatu ole a fa'amaopoopoina mai i nei fa'atasiga fa'a-sinoti, ole a aofia i se manatu aloa'ia (submission) a le tatou Kapelania Samoa, e tu'uina atu ile Sinoti a le Au Epikopo (Bishops Conference Synod), i Roma, e pei ona faatulaga mai e ta'ita'i ole ekalesia Aoao.

20

E avanoa mo nei feiloaiga, so'o se tasi o lo tatou atunuu e fia fa'aalia ai sona finagalo, e tusa pe lē fai'aulotu. Afio mai ma tala mai a'ao. Tatou feiloai ai.

O le Faasologa lenei o feiloaiga -fa'a-Sinoti mo lenei fa'amoemoe.

- 1) Palisi Te Awakairangi - Aso Sa 20 Fepuari ile 12.00pm ile aoauli
- 2) Palisi Te Wairua Tapu - Aso Sa 27 Fepuari ile 12.00pm ile aoauli
- 3) Palisi Ueligitone i Saute - Aso Sa 06 Mati ile 12.00pm ile aoauli
- 4) Palisi Holy Family Porirua - Aso Sa 13 Mati ile 12.00 ile aoauli
- 5) Palisi Titahi Bay & Tawa - Aso Sa 20 Mati ile 12.00pm ile aoauli
- 6) Palisi a Stokes Valley - Aso Sa 27 Mati i le 2.00pm i le aoauli

Ole a toe fofogaina atu i se taimi vave ia nofoaga tonu e faia ai feiloaiga uma nei o le tatou Sinoti.

Ae tatou tatalo ina ia molimoli atu iai lo outou soifua ma so matou ola auā nei fuafuaga tāua fa'a-sinoti a le tatou Kapelania.

Faia ma le ava tele,

### Sala Mika Teofilo

Fa'auluuluga ole Kapelania Samoa

Mikaele Teofilo:

✉ m.teofilo@wn.catholic.org.nz

☎ +64 4 496 1707

☎ 021 0818 5037

✉ PO Box 1937, Wellington 6140, New Zealand